

LE A MAAKI NA SEB A YESU 'YER NŌŌ

I Yesu Kirisito na ɪ a Nāanmɪn Bie 'yer nŏŏ pielfɔ.

II 'Ye'yere kŏŏ yuor na di Isaiya seb naa, “Nyɛ, ɪn tŏŏ naa a n tŏtŏnŏŏ ka wɔ de nie tɪ chɔɔr a sɔr kɔ fɔ.” *(Malakai 3:1)*

III “Kɔkɔr tāna naa a dālpɔɔ ju, ‘Chɔɔr a sɔr kɔ a sɪ Soro na fɔ maal a wɔ sɔr ka wɔ tor.’ ” *(Isaiya 40:3)*

IV Le le a Jɔɔn wa, na wɔ wa suoro a nɪbe a Nāanmɪn kŏŏ be a dālpɔɔ ju, na wɔ mɔɔl 'yer, “Yɪ lɪeb yɪ a yɪ tɪer dɛer pɔ so a Nāanmɪn kŏŏ, ka wɔ vɛ a yelbebe kɔ yɪ.”

V Ka a nɪbe yire a tɛn ala a jaa na be a Judiya wer pɔ, ka a bamɪne mɪ yire a Jerusalem. Ba chire naa a ba pɔɔr 'yere a ba yelbebe kɔrɔ wɔ tɪche ka wɔ suoro ba jaa a Nāanmɪn kŏŏ a Jordan man pɔ.

VI Nyɔɔma kɔɔlɔ fuu le Jɔɔn ma su tɪ de gān lūn a sɪɛ. Soor nɪ sɪkāa le ɪ a wɔ bŏdiir.

VII Wɔ 'yer naa, “N puor sɔɔ ben be, na wɔ gar ma. A wɔ nafɔɔr mibe gba n ba sɛɛ ɪka n guun for ɛ.

VIII Maa suoro yɪ naa nɪ a Nāanmɪn kŏŏ tɪche 'lɔ na so yɪ naa nɪ a Nāanmɪn Sɪɛ.”

IX A sŏŏ 'lɔ Yesu yɪ naa Najaretɪ na be a Galilee wer pɔ wa, ka a Jɔɔn so wɔ a Nāanmɪn kŏŏ a Jordan man pɔ.

X A Yesu na wa yire a kōō pō, wō nye naa a saaju na tōō yuo ka a Nāanm̄n S̄ie wa suro fika papa wa kp̄e a Yesu pō.

XI T̄i a kōkōr yi a Nāanm̄n s̄ē 'yere, “F̄ōō le ı a n binōnāa, ka a n 'yōō ma 'maa nı fō.”

XII Ka a Nāanm̄n S̄ie de wō fōō jaa chiin a dāl̄pōō ju,

XIII ka wō tı be be ber lıjaayi ka a Satan b̄eer wō kaa. 'Lō nı a mōdōn le dōō be be, ka a malakası wa sōnō wō.

XIV Jōōn ban wa nyōō pōō baar, Yesu chen naa a Galilee na wō tı mōōlō 'yere a Nāanm̄n 'yer nōō.

XV Wō 'yer naa, “A sōō ta naa ka a Nāanm̄n di a wō nāalōō. Yı lieb yi a t̄ier d̄eer pō na yı sōō de a 'yer nōō.”

XVI A le a Yesu na wa de a Galilee man lana, wō nye naa Simon nı a wō yebile Andiru ka ba lōōrō lōyaar, j̄ānyōōrbō le ba ı,

XVII ka wō bōōl ba, “Yı wa turo ma, ka n lieb yı ka yı nyōōrō nıbe 'yōōnō Nāanm̄n nāalōō pō.”

XVIII Ka ba tōō t̄ie a j̄āme nyōōrfō bar tı turo wō.

XIX Wōn wa chen a niem bālāa, wō nye naa Jemesı nı Jōōn, Jebedee bibiir, a ba be a gboro pō chōōrō a lōyaarsı.

XX Wōn wa nye ba, wō bōōl ba naa, ka ba bar a ba s̄āa nı a gboro nı a bala ban yara tı turo a Yesu.

XXI Be le ba wa chen a Kapenahum ka a P̄ēnfō Bıbir wa ta, ka a Yesu chen tı kp̄e a lōōfō jie tı piel wile.

XXII A nibe neer 'maa naa ni a wo wiilfo, bojũu wo wile ba naa ni Nãanmɪn sɔr. Waa ɪ fika a Mosesɪ Neɛ wiwiilbe ε.

XXIII A sɪdeer sɔɔ kɔɔ mɪ chen tɪ kpɛ a ba lɔɔfo jie tãna 'yere ni,

XXIV “Bãa le a fɔɔ Yesu na yi a Najaretɪ bɔɔrɔ a sɪ sɛ? Fɔ wa naa ɪka fɔ wa sɔɔ sɪ bar bɪ? N bɔɔ naa a nɪre 'lo fon ɪ, fɔ ɪ naa a cheche 'lo na yi a Nãanmɪn sɛ!”

XXV Ka a Yesu tãn wo, “Pɔɔ a fɔ neɛ tɪ wa yi a daba pɔ!”

XXVI Ka a sɪdeer daa a daba lɔb tɛɛ nɪtãa kpũgul loro tɪ nɛme chelma tɪ wa yi a daba pɔ.

XXVII Ka a neer 'maa a nibe ka ba lɪɛb sɔrɔ taa, “Bo le? Wiil paal bo mɪ ni nyã, na tara kpɛɔ le! Wo ma 'yer 'yer, ka a sɪdebe ma tu a wo neɛ.”

XXVIII Ka a wo yeke jaar a Galilee wer wo jaa.

XXIX Ban wa yi a lɔɔfo jie, 'lo ni Jemesɪ ni Joɔn chen naa a Simon ni Andiru yir,

XXX ka a ãgãn tɔ a Simon dãɛ pɔɔ ka ba 'yer kɔ a Yesu.

XXXI Yesu kpɛ naa a wo sɛ tɪ nyɔɔ a wo nũu sɔɔ wo ka wo ir. A ãgãn tol baar wo, ka wo ir maal bɔɔdir kɔ ba.

XXXII A jãanɔɔr 'lɔnɔ a mɔtɔɔ na wa mɔr, a nibe waan na baalsɪ ni a bala a sɪdebe na tara a Yesu sɛ.

XXXIII Ka a tɛɛ nibe ba jaa wa lɔɔ a dɔɔdɔrɔ,

XXXIV ka a Yesu sãa nɪyɔɔ na tara baal jaa bɔrɔ. Wo mɪ dii naa a sɪdebe yɔɔ ka a yi, tɪ maa sɔɔ ka a sɪdebe 'yer 'yer ε, bojũu ba bɔɔ naa a nɪre 'lo won ɪ.

XXXV A wer na chaara a bibio pipi ti chene sob, Yesu ir na wo yi a yir na wo chen a jie asoo ika wo ti soor Naaḡmın.

XXXVI Simon ni a wo taaba mi yin booro wo na ba wa nye wo,

XXXVII na ba 'yer, "Nibe ba jaa yooro na booro fo!"

XXXVIII Ka a Yesu 'yer, "Yi i ka si chen jiyuo, a ten anyā na gbor, ka n ti muol 'yer a Naaḡmın 'yer a be, ala 'yoo le n wa."

XXXIX Wo yo naa a Galilee wer wo jaa na wo 'yere a Naaḡmın 'yer a ba loofu yie po ti na wo dire a sibebe mi ka a yire.

XL Ka a daba asoo mi na i kookomoo wa gbur dumo soor wo, "Foo soo, saa ma."

XLI Ka nibaal kpe a Yesu ka wo tur a wo nuu sur a daba ti 'yer, "N soo naa. Sa!"

XLII Ajienaa ka a kookomoo sa.

XLIII Yesu kpaa wo naa kpakpaaan wo ika,

XLIV "Taa ure wa 'yere koro nure e. Chen ti wiil a fo mae ko a Juu nibe boorloro ti ir a nee 'lo a Mosesi na 'yer ka a i daaste."

XLV Tiche a daba na wa yi wo piel naa na wo nme a Yesu yele jaar, ka a le juu Yesu ba le too yooro chaa po a tee po e. Wo ma be naa a tee kookoor, a nibe chene yire jiiir jaa waara a wo se.

II

I A anyā puor, Yesu lieb wa a Kapenahum, ka nibe wo ka wo be naa a yir.

II Niyo wan wa duo na ba see a die wa ti yin a yoo. Ka wa 'yere a Naaḡmın 'yer koro ba.

III Be le ka daba ãsoo mi biere, a wo nuur ni a wo gbεε kpi naa, ka nibe anaar j̄ejel wo na ba waan a Yesu s̄ẽ.

IV Ka ba wa ta, ka jie ba be be a ba na tu kp̄ẽn a be a Yesu na be ε, a niyoɔ j̄ũu. Be le ba do a gar ju na ba ti ηmaa puo a jie 'lo a Yesu na ara, ti na ba de a daba ni a fɔbaa 'lo ban 'mooɔn wo waan tur bar ka wo suu ti ḡã a Yesu niem.

V Be le a Yesu na wa nye a le ban soɔ de wo, wo 'yer kɔ a dabaala, “N bie, n v̄ẽ naa fɔ yelbebe bar.”

VI Ka be le ka a Mosesi Nεε wiwiilbe bamune na be be tiere,

VII “Ka nye daba na ara fere na wo s̄ooɔ N̄aan̄min yuor tεε. An le na t̄oo nire yelbebe v̄ẽ bar, ka N̄aan̄min tεε ba le ε?”

VIII Ajienaa Yesu b̄ooɔ naa a le ban tiere a ba puor pɔ, ka wo 'yer kɔ ba, “B̄ãa le yi tiere a le a yi puor pɔ?”

IX Buor soɔ le i k̄m̄õk̄m̄õ, n 'yer ika n v̄ẽ naa wo yelbebe bar, bi, n 'yer ika a daba nyã wo ir, 'moo a wo b̄õgãnaa, na wo kulo ni?

X N buoro naa ika yi b̄oo ika a N̄isaal Bie tara naa kp̄ẽɔ a wer pɔ na v̄ẽ nire yelbebe kɔ wo.” Be le wo 'yer kɔ a daba 'lo nuur ni a gbεε na kpi,

XI “F̄oo le n 'yere, ir, na fɔ 'moo a b̄õgãnaa, na fɔ kulo ni.”

XII Be le, ka wo vaa ir 'moo a b̄õgãnaa yin a nibe ba jaa niem. Nεer 'maa ba naa ka ba d̄ana N̄aan̄min 'yere, “Saa d̄oo nye a le ε.”

XIII Yesu heb chen a man nεε ka niyoɔ wa a wo s̄ẽ ka wo wile ba.

XIV A Yesu na wa chiine wɔ nyɛ naa a Alfayasɩ bie, Levi, ka wɔ jãɛ a lõpo defo jie, ka Yesu 'yer kɔ wɔ, "Ir turo ma," ka wɔ ir turo wɔ.

XV A lõpodierbe nɩ a yelbetõnbɔ yɔɔ turo naa a Yesu, ka 'lɔ nɩ a bamɩne nɩ a wɔ poturbo 'mataa dire a Levi yir.

XVI A Mosesɩ Nɛɛ wiwiilbe na ɩ a Faraseemɩne nyɛ a lɛ wɔn jãɛ nɩ a lõpodierbe nɩ a yelbetõnbɔ 'mataa dire, ka ba sɔur a wɔ poturbo, "Bãa lɛ so a daba nyã na 'mataa dire nɩ a lõpodierbe nɩ a yelbetõnbɔ?"

XVII Yesu wõ naa a lɛ ban 'yer, ka wɔ 'yer kɔ ba, "Nɩrɛ na kpẽmɛ waa chiine titɩlɛ jie ɛ. Baalaa lɛ ma chen. N̄ ba wa ɩka n̄ wa bɔɔl a nɩtorsɩ ɛ. N̄ wa naa ɩka n̄ wa bɔɔl a yelbebe tɔnbɔ ka ba wa lɛb a tɩɛr."

XVIII Jɔɔn poturbo nɩ a Faraseemɩne nɩbɛ gal kõ, ka nɩbɛ wa sɔur a Yesu, "N̄mɩnɛ lɛ a Jɔɔn poturbo nɩ a Farasee poturbo ma gal kõ, tɩchɛ ka a fõɔ poturbo maa gal kõ ɛ?"

XIX A Yesu 'yer kɔ ba, "N̄mɩnɛ lɛ an ɩ ka nɩbɛ be a pɔɔ paalaa sɩrɛ jie tɩ tõɔ kõ gal? Wɔn chɛnɛ be a ba sɛ, ba kõ tõɔ ɛ.

XX A daar 'lɔ ban wa de a pɔɔ paalaa sɩrɛ, ban gal a kõ.

XXI "Nɩrɛ maa n̄maa fɔpaalaa sɛ 'yõɔ fɔkɔraa pɔ ɛ. 'Lɔ be sɛ 'yõɔ a lɛ, a fɔpaalaa na tɔɔ naa a fɔkɔraa chɩɛr.

XXII Nɩrɛ maa de dābāɩn 'yõɔ wɔkɔraa pɔ ɛ. 'Lɔ 'yõɔ, a wɔɔ na pur naa, ka a dāa nɩ a wɔɔ sõɔ. Wɔ ma 'yõɔ naa dābāɩn wɔpaalaa pɔ."

XXIII A Pěnfõ Bıbir Daar, Yesu nı a wõ poturbo kpěn tala puo sãlsõõ, ka a wõ poturbo piel fõrõ a bõbie.

XXIV Ka a Faraseemıne 'yer kũ a Yesu, “Nyẽ lẽ a fõ poturbo na ıre. Bo lẽ so ka ba tõnõ a Pěnfõ Bıbir? A ba tara sõr ẽ.”

XXV Ka a Yesu 'yer kũ ba, “Yaa bõõ a par a lẽ yın kar kaa a Nãanmın gãn põ a nãa David nı a wõ nıbe na ba dõõ tara bon na di ẽ!

XXVI A ber ala põ Abiyata lẽ ı a Juu nıbe bõõrlo nıkpẽẽ, kõ dõõ kpẽ ba, ka wõ kpẽ a Nãanmın yir, ka a Abiyata de a paanõõ ala ban bin kũ Nãanmın kũ wõ, ka wõ 'wõb. A paanõõ ala a Juu nıbe bõõrlorbo tẽẽ lẽ ma 'wõb, a ba tara sõr ıka nıyuo wõ 'wõb ẽ, tıche ka David 'wõb tı de kũ a bala na be a wõ sẽ, ka ba mı 'wõb.”

XXVII Be lẽ ka a Yesu 'yer kũ ba, “A Pěnfõ Bıbir ben be a nıbe 'yõõ, a ba ı a nıbe ben be a Pěnfõ Bıbir 'yõõ ẽ.

XXVIII Ala lẽ so ka a Nısaal Bie ı a Soro lõõn a Pěnfõ Bıbir gba.”

III

I Sõõ ãsõõ go Yesu chen tı kpẽ a lõõfõ jie, ka a daba kõõ mı be be ka a wõ nıpel kpi.

II Ka a nıbe bamıne na be be bõõrõ ıka ba gar a Yesu, be lẽ ba tõõ gbõr kaara wõ. Ka won sãa naa a daba nıu baal a Pěnfõ Bıbir bı.

III Yesu 'yer kũ a daba nıpel na kpi, “Ir ara a sı jaa nyẽ fõ.”

IV Be lẽ ka a Yesu sõõr ba, “Tõõbuor sõõ lẽ tara sõr a Pěnfõ Bıbir daar ıka fõ tõ, a fõ maal vıla bı dẽer, fõ faa nyevõr bı fõ kũ wõ?” Ka ba ı jaa gbulo gbulo.

V Wɔ kaa naa ba jaa gɔɔr nɪ suur, ka a wɔ pɔɔ sɔɔ a ba bachelfɔ jũu. Wɔ 'yer kɔ a daba 'lo nũpel na kpi, "Tur a fɔ nũu." Wɔ tur naa ka a nũpel wɔ jaa sa.

VI Be le ka a Faraseemune yi chen a Herod nibe sɛ, a ba ti 'mataa guoro a Yesu, bɔɔrɔ sɔr 'lo ban na tu kɔ wɔ.

VII Yesu nɪ a wɔ poturbo yin chen a man pɔ ka a nɪyɔɔ na yi Galilee wer tu ba.

VIII Nɪyɔyɔɔ mɪ yi naa Judiya wer, Jerusalem, Idumea wer nɪ a Jordan man gɔɔn, nɪ a tɛn na be Tire nɪ Sidon wer pɔ, wa a wɔ sɛ bojũu ba wɔ naa a le jaa wɔn tɔ.

IX A nɪyɔɔ jũu, Yesu 'yer kɔ a wɔ poturbo, "Yɪ kaa nye gboro kɔ ma ka n ser bālāa." Wɔ 'yer naa a le bojũu waa bɔɔrɔ ɪka a nibe ba mil pɔɔ wɔ ε.

X A nibe yɔɔ wɔn sãa le so, a baalsɪ dara taa bɔɔrɔ ɪka ba sɪr wɔ.

XI A sɪdebe na ma wa nye a Yesu ba ma da naa a nɪre 'lo 'yɔɔ ban be lɔb tɛe ti tãna 'yere nɪ, "Fɔɔ le a Nãanmɪn Bie!"

XII Tɪche wɔ kpaal ban jũu, ka ba taa ɪre wa 'yere a nɪre 'lo wɔn ɪ ε.

XIII Yesu do naa a tɔɔ ju ti bɔɔl a bala wɔn bɔɔrɔ ka ba do wa a wɔ sɛ.

XIV A ba pɔ le wɔ kaa ir pie nɪ ayi, bɔɔlɔ ba nɪtɔnsɪ, ka ba na be a wɔ sɛ, ka wɔ ma tũ ba ka ba chen ti mɔɔl 'yer a Nãanmɪn 'yer,

XV ti tara kpɛɔ dire nɪ sɪdebe ka a yire.

XVI A nibe pie nɪ ayi bala wɔn ir yoe le a anyã. Simon, wɔn le kɔ wɔ yopaalaa Pita.

XVII Jemesi, ni a wo yebile Joon, a ba saa yuor le Jebedee, wo buolo ba naa Boonegasi, a par le sa tana bibiir.

XVIII Andiru, Filip, Batolomi, Matiu, Tomasi, Jemesi na i Alfayasi bidaba, Tadius, Simon na moo nibir ni a wo wer yeke,

XIX ni a Judas Isikariyot, 'lo le na wa de a Yesu tu.

XX A Yesu na lieb wa a yir, niyoo wa naa wa loo go, ka 'lo ni a wo poturbo ba tara jaa gba na di e.

XXI Be le a wo yir deme na wa wo a le, ba chen naa ika ba ti ka wo, bojuu ba 'yer naa ika, "Burbur kpe wo naa."

XXII Ka a Mosesi Neer wiwiilbe bamune na yi a Jerusalem mi 'yere, "A Beeljebul, le pob wo! A sibebe naa le wo ma de dire ni a sibebe ka a yire."

XXIII Yesu buol naa a nibe na wo lob sokpar ko ba, "Nmune le a Satan na i le dii a Satan?"

XXIV Ala i naa ir jeere ni a wo ma e naalo, nmune le won i ara?

XXV Yir nibe mi ir jeere taa, a yir 'lo nibe ko too 'mataa kpe e.

XXVI Ala i a Satan ir naa na wo jeere ni a wo ma e, wo mi ko too ara e, a wo baaraa le.

XXVII Yelmee, nire jaa ko too kpe gadaa yir ti ju a wo boni ka waa de nie lu wo e. 'Lo wa lu wo a le wa baar, won pa too naa a wo yir boni ju.

XXVIII Sire le n 'yere koro yi, yeldebe ni ferfo a jaa nibe na fere soono ni Naanmun yuor ban nyen ve kofu.

XXXIX Tiche nire 'lo na fere ni a Nāanmin Sie kō nyε vĕ kufō ε, bojūu wō lo naa a yeldεεr 'lo pō, na ba tara baarfō ε.”

XXX Ban 'yer ũka wō tara naa a sɪdεεr lε so ka wō 'yer a lε.

XXXI Be lε ka a Yesu ma ni a wō yεεr wa. Ba ara naa a yōo ti tō nire ka wō buol wō.

XXXII Niyōō jānε naa jilō a Yesu ti ba 'yer wō, “A fō ma ni a fō yεεr be naa a yōo buoro fō.”

XXXIII Ka wō suor ba, “An lε ι a n ma ni a n yεεr?”

XXXIV Be lε wō kaa a bala na jānε jilō wō ti 'yer, “Banyã lε ι a n ma ni a n yεεr!”

XXXV Nire 'lo jaa na turo a Nāanmin sor, 'lo lε a n yebe ni a n yepōō ni a n ma.”

IV

I Sōo kōō go, Yesu piel wile a man nεε. A niyoyōō na wa lōō jūu, wō kpe naa a gboro pō jānε, tiche ka a nibe ara kōō a kōō nεε.

II Sōkpar lε wō lōoro wile ni ba yelyōō, sōkpa āsōō ni nyā:

III “Yi chele! Kōōraa lε yi chen ũka wō ti yaar a wō bōbōrō.

IV Wō yaar naa ka amine lo a sor pō ka a lubil wa tuur di.

V Ka amine mi lo a jie 'lo a kōsibe na waa gar a tāna, na a bul fōō, a tāna na ba ture jūu.

VI Tiche a mōtōō na wa nyāa, a juol naa na a kpi, bojūu a ba tara nyibe ε.

VII Amine mi ti lo naa suor pō, tiche ka a suor bul fāin naa tara, a ba tōō dōō ε.

VIII Ka amune mi ti lo a kojõ vɪla pɔ, na a dɔɔ yɔɔ. Ka amune dɔɔ a lɪjer ni pie, amune lɪjaata ka amune mi kɔbaa.”

IX Ka wɔ 'yer kɔ ba, “Nɪre jaa na tara toor, wɔ chɛɛ!”

X A niyɔyɔɔ bala na wa chen ti chɛ a niɓɛ bala na turo wɔ ni a wɔ poturbo pie ni a ayi bala won ir, ka a ba sɔɔr wɔ a sɔkpar par.

XI Be ɛ ka wɔ 'yer kɔ ba, “Yɪn 'lo Nāanmɪn kɔ yɪ naa a Nāanmɪn nāalõs yelsɔɔlaa, tiɕɛ a banyã 'lo na ba pɔɔ ɛ, a yelsɪ a jaa ɪ naa sɔkpar kɔ ba.

XII A ɛ jũu, ‘Ba ma kãan lɛɛɛ ti ba maa nyɛ ɛ, na ba ma chɛl lɛɛɛ ti ba maa wõ ɛ. Ala ba ɪ ɛ ɛ ban lɪɛb a ba tɪɛr ka Nāanmɪn vɛ kɔ ba.’ ”
(Isaiya 6:9, 10)

XIII Ka Yesu sɔɔr ba, “Yaa bõɔ a sɔkpa nyã par ɛ? Nɪmine ɛ yɪn ɪ wa bõɔ sɔkpa jaa par?”

XIV Yɪ kaa, a kɔɔraa ɛ a nɪre 'lo na yaara a Nāanmɪn 'yer.

XV Niɓɛ bamune kaara naa fɪka a bõbie ala ban yaar ka a lo a sɔr pɔ. Bala wa wõ a 'yer wa baar, a Satan ma wa naa, wa de a Nāanmɪn 'yerbir ban bur a ba nyãa pɔ.

XVI Ala mi na lo a jie 'lo a kɔsɪɓɛ na waa gar a tãna ɪ naa a bala na wõ a 'yer na ba ma sɔɔ de fɔɔ jaa ni pɔpɛl,

XVII tiɕɛ baa tara nyɪɓɛ ɛ, ba maa kor ɛ. A 'yer jũu, wõm bu gefɔ wa wa a ba sɛ, ba ma lɪɛb puor fɔɔ jaa.

XVIII A ala mi na lo a gɔɔr pɔ ɪ naa a bala na wõ a 'yer,

XIX tiche ka a āgān nyā wōm, nɪ a bōtarɪ belfo, nɪ a bōbɔɔrsɪ fāɪn a 'yer, ka waa tōɔ dɔɔ ε.

XX A anyā mɪ na lo a kɔjō pɔ ɪ naa a bala na wō a 'yer na ba sɔɔ de na ba dɔɔ jur, ka amɪne ɪ lɪjer nɪ pie, amɪne lɪjaata, amɪne mɪ kɔbaa.”

XXI Wɔ sɔɔr ba naa, “Ba ma chɔm fātɪn na ba de laa kpa pɔɔ bɪ de su gado pīlem bɪ? A ba ɪ a jie 'lo wɔn na chaar nɪrɛ jaa lɛ ba ma dɔɔl ε?”

XXII Bon jaa na pɔɔ ban yuo wɔ naa, ka ala a jaa mɪ na sɔɔl yɪ chāa pɔ.

XXIII Nɪrɛ jaa na tara toor, wɔ chele!”

XXIV Ka wɔ 'yer kɔ ba, “Yɪ bōɔ chele sō a lɛ yɪn wōnō. A lɛ fɔn man tɪr, lɛ mɪ lɛ ban man kɔ fɔ, tɪ dɔɔl gba.

XXV Nɪrɛ jaa na tara, Nāanɪmɪn ma vɛ naa ka wɔ nyere dɔɔlɔ, nɪrɛ nyā mɪ na ba tara ε, a bālāa ala gba wɔn tara, Nāanɪmɪn na de naa a wɔ sɛ.”

XXVI Tɪ lɛ bōɔ 'yer kɔ ba, “A Nāanɪmɪn nāalōɔ nɪtō lɛ wɔ kaara. Daba ma yaar a wɔ bōbɔɔ bar.

XXVII Tāsɔɔ nɪ mōtōɔ, ka wɔ gān bɪ wɔ ir naa, a bōbie ma bulaa naa nōɔ, tiche a wɔ māɛ gba maa bōɔ ε.

XXVIII A bōbie ma bul naa a tēe naa tɔ vaar tɪ dɔɔ jur, bɪ a bie.

XXIX Ala wa bɪ baar, wɔ ma chiin nɪ sɔɔ tɪ ŋman bojūu a ŋmab sōɔ ta naa.”

XXX Ka Yesu lɛ 'yer, “Bo lɛ sɪn de man a Nāanɪmɪn nāalōɔ bɪ sɔkpa buor lɛ sɪn lɔb gbɛb wɔ?”

XXXI Wɔ kaara fɪka a kōkōɔ bir, 'lo lɛ ɪ a bōbie a jaa pɔ bōbile.

XXXII Tiche wɔ ma bul ɪ tɪkpɛɛ na wɔ tɛ wilberɛ, ka a lubil ma wa mara a wɔ 'maar pɔ.”

XXXIII Yesu de naa sokpayɔɔ na nyɛtaa na wɔ 'yer a 'yer kɔ ba, a le an na ɪ ka ba tɔɔ bɔɔ a par.

XXXIV Sokpar tɛɛ le wɔ ma de 'yere ni a 'yer kɔɔ ba. Tiche ala wa ɪ 'lo ni a wɔ poturbo tɛɛ le, wɔ ma wiil naa a jaa par kɔ ba.

XXXV A daar 'lɔnɔ jãanɔɔr, wɔ 'yer kɔ a wɔ poturbo, “Yi ɪ a sɪ gɔɔ chen a man gɔɔn.”

XXXVI Ba bar naa a niyɔyɔɔ bala tiche ka a wɔ poturbo tara wɔ, ka ba 'matãan a gborɪ amine gɔɔnɔ.

XXXVII Ka a man kɔɔ sekpɛɛ 'lo ire ka a kɔɔ kpe a gboro pɔ ire na sɛɛ

XXXVIII tiche ka a Yesu be a gboro par gã kɔɔl wɔ ju guro. Ka a wɔ poturbo sãi wɔ na ba sɔɔ wɔ, “Wiwile, a ba bã fo sɪn mɔɔɔ bu?”

XXXIX Be le ka wɔ ir tãn a sesebe ni a man, “Yi ŋmaa vɔɔr! Yi ara a le nɛ!” Ka a sesebe ŋmaa vɔɔr ka a man ara jomm.

XL Ka wɔ sɔɔr a wɔ poturbo, “Bo le so ka yi joro a dãbãɛ? Yi chene na ba sɔɔ ma bu?”

XLI Ka a dãbãɛ kpe ba ka ba heb sɔɔ taa, “An le a nyã ka a sesebe ni a man tu a wɔ nɛɛ?”

V

I Yesu ni a wɔ poturbo gɔɔ naa a man, a Gerasen nibe wer pɔ.

II Yesu na wa yi a gboro pɔ, daba na gele yi naa a yar par wa tuor wɔ.

III A gɛgelaa nyã kpiere naa a yar par ka nire jaa ba be be na tɔɔ lɔ wɔ ni bɔjɔrɪ gba ɛ.

IV Ba ma lɔ naa a wɔ gbɛɛ ni a nuur tiche ka wɔ ŋma, ti kar a kue ala bar. Nire jaa ba be be na tɔɔ wɔ ɛ.

V Tāsɔɔ nɪ mōtōɔ, wɔ ma be naa a yar par nɪ a tōn ju tāna tɪ ŋmara a wɔ mǎe nɪ kɔsɪbe.

VI Wɔn wa nye a Yesu na be tɛɛr, wɔ jo naa tɪ lo gbur dumo a wɔ niem,

VII tɪ na wɔ ŋme chelma 'yerɛ, “Bo fɔ bɔɔɔɔ ɪka fɔ ɪ ma? Fɔ ɪ naa a Nāaŋmɪn nyā na gar a jaa Bie pɔn Nāaŋmɪn ɪka fɔ kō ge ma ε.”

VIII Bojūu Yesu dōɔ 'yerɛ kɔɔɔ wɔ ɪka, “A fōɔ sɪdɛɛr wa yi a daba pɔ.”

IX Be le ka Yesu sɔɔr wɔ, “Bāa a fɔ yuor di?” Ka wɔ 'yer, “Sɪyɔɔ, bojūu sɪ waa naa.”

X Ka wɔ sɔɔr a Yesu yāayāabɪle ɪka wɔ ta dii wɔ bar a jie 'lo ε.

XI Doyɔɔ mɪ ara na gbor a tōɔ, dire.

XII Ka a sɪdɛbe sɔɔr a Yesu, “Ir sɪ 'yōɔ a dor ala pɔ na fɔ sɔɔ ka sɪ tɪ kpe a ba pɔ.”

XIII Wɔ sɔɔ naa ka a sɪdɛbe yi tɪ kpe a dor ala. A ɪ naa dor tur ayi (2,000) ka a jaa tīgɪbil suu tɪ kpe a man pɔ gbōm kpi kpi.

XIV A bala na kaara a dor jon kul a tēe pɔ nɪ a tēbil ala na gbor tɪ 'yer a le na ɪ. Ka a nɪbe yi chen ɪka ba tɪ kaa.

XV Ba wa naa a Yesu sē wa nye a daba 'lo na dōɔ tara a sɪdɛyɔɔ gele ka wɔ chɪ su bonsɪ jāne, ka a dābāe kpe ba.

XVI A bala na nye 'yer kɔ a nɪbe a le na ɪ a daba na dōɔ tara a sɪdɛbe nɪ a dor 'yer,

XVII ka a nɪbe piel sɔɔɔɔ a Yesu ka wɔ yi a ba wer pɔ.

XVIII Yesu na wa kɪɪɛɛ a gboro pɔ ka a daba 'lo 'yōɔ a sɪdɛbe na yi sɔɔr wɔ ɪka wɔ ɪ a ba 'mataa chen.

XIX Ka a Yesu ba sɔɔ ε, ti 'yer wɔ, “Kul a fo yir dēme sē ti 'yer kɔ ba a lɛ a Soro na ɪ kɔ fɔ, nɪ a lɛ wɔn jo a fɔ nɪbaal.”

XX A daba chen na wɔ ti piel 'yere a lɛ a Yesu na maal kɔ wɔ a wer 'lɔ pɔ ban bɔɔlɔ a Dekapolisi. Ka a nɛer 'maa a nɪbe.

XXI Yesu na wa gɔɔ a man gɔɔn go, nɪyɔyɔɔ lɔɔ naa na ba jilɔ wɔ. Wɔ chene na ara a man nɛe,

XXII ka a ba lɔɔfɔ jie nɪkpɛε āsɔɔ ban bɔɔlɔ Jairusi wa a be. Wɔn wa nye a Yesu,

XXIII wɔ gbur dumo a Yesu niem ti sɔɔr wɔ, “Yāayāabile, a n bipɔɔbile lɛ ɪ baal ɪre na kpi. Wa dɔɔl wɔ a fɔ nūu ka wɔ sa ta kpi ε.”

XXIV Ka a Yesu nɪ a daba 'mataa chiine. Nɪyɔyɔɔ turo naa dara taa tiere wɔ.

XXV Pɔɔ kɔɔ mɪ ben be lo sɪε suoro faara yuomo pie nɪ ayi.

XXVI Wɔ bal di dɔɔye yɔɔ a titulbe jie na wɔ sɔɔ bon jaa wɔn tara ti ba sa ε. Ka a baal tɔɔnɔ wɔ.

XXVII Wɔn wa wɔ a Yesu yele, wɔ tu naa a puor ti sur a wɔ fuu,

XXVIII bojūu wɔ 'yer kɔ a wɔ mǎε. “Maa tɔɔ sur a wɔ fuu gba, ɪn sa naa, na n pɛn.”

XXIX Wɔn wa sur a Yesu fuu nɛε wa baar, a jāi ŋmaa naa a dēdēe daa ka wɔ bɔɔn ɪka a wɔ wɔɔr baar naa.

XXX Ka a Yesu mɪ bɔɔn a fɔɔ 'lɔnɔ a kpɛɔ na yi a wɔ sē. Ka a wɔ lieb a nɪyɔɔ bala pɔ sɔɔr, “An lɛ sur a n fuu?”

XXXI Ka a wɔ poturbo 'yer, “Nye a lɛ a nɪyɔyɔɔ banyā na dara taa tiere fɔ, tiche a fɔ sɔɔ a sɔɔ 'lɔ na sur fɔ!”

XXXII Tiche ka a Yesu chene kaara gooro ika wo nye a nire 'lo na sur wo.

XXXIII Ka a pɔɔ na bɔɔn a le na ɪ, dābāe kpe wo naa ka wo mire na wo wa gbur dumo a Yesu niem ti 'yer a le jaa na ɪ.

XXXIV Ka a Yesu 'yer ko wo, “N yepɔɔ, fon soɔ ma jūu, fo sa naa. Kulo ni āgān 'maar, a fu dɔɔye baar naa.”

XXXV A Yesu ba 'yer baar ε, tiche nibe kɔɔ yi a Jairusi yir wa 'yer wo, “A fu bie kpi naa. Bāa 'yɔɔ fu dɔɔnɔ a wiwile go?”

XXXVI Yesu ba chele a le ban 'yere ε, ti na wo 'yer ko a daba, “Taa joro dābāe ε. Soɔ ma de.”

XXXVII Yesu ba soɔ ka nire jaa tu wo ε, ka Pita ni Jemesi ni a wo yebile Joɔn tee ba le ε.

XXXVIII Ban wa ta a Jairusi yir, Yesu nye naa a nibe na kɔnɔ ŋmiere chelɪ.

XXXIX Ka wo kpe ti suor ba, “Bāa le yi kɔnɔ ŋmiere ni a chelɪ a le? A bie ba kpi ε. Wo gur naa.”

XL A ba laara toro ni wo. Wo dii naa a nibe ba jaa bar ka ba yi ti wo tara a bie sāa ni a ma ni a wo poturbo bala won 'mataa chiin, a ba kpe a jie 'lo a bikūu na be.

XLI Ka wo ti nyɔɔ a pɔɔbile nūu ti 'yer, “Talita kum!” A par le a Yesu nibe kɔkɔr pɔ, “Pɔɔbile, ir!”

XLII Ka wo vaa ir chiine. Yuomo pie ni ayi bie le. Ka a yeke 'maa ba neε.

XLIII Yesu kpaal ba naa jūu ka ba taa vɛ ka a nire jaa wɔ naa ε. Ti 'yer ika ba ko a pɔɔbile bɔdiir ka wo di.

VI

I Yesu yi naa a be ka a wɔ poturbo tu wɔ ka a ba 'mataa kul a Najaretɪ na ɪ a wɔ t̄ēe.

II Ka a P̄ēnfɔ B̄ibir wa ta, ka wɔ kp̄e be a ba l̄ɔɔfɔ jie tɪ piel wile, ka a nɪyɔɔ bala na w̄ɔ n̄eer 'maa. Ka ba s̄ɔrɔ, “Nyɪn̄e l̄e a daba nȳā nȳe a b̄ɔɔfɔ nȳā? Ȳē buor l̄e a nȳā won tara na wɔ gba t̄ɔn̄ɔ nɪ a n̄e'maa t̄ɔm̄ɔ?”

III A ba ɪ a mɪmɪere l̄e ε? A ba ɪ a M̄eer bie l̄e ε, a wɔ ȳebil ɪ Jemesɪ nɪ Josesɪ nɪ Judas nɪ Simon ε? Ka a wɔ ȳepɔbɔ mɪ be ka a sɪ s̄ē ε?”

IV Ka a Yesu 'yer kɔ ba, “N̄ān̄mɪn 'ȳe'ȳere nyere na 'ȳɔɔfɔ jie jaa, t̄iche a wɔ m̄āe t̄ēe nɪ a wɔ yir d̄ēme nɪ a wɔ n̄ibe s̄ē l̄e waa nyere 'ȳɔɔfɔ ε.”

V Waa t̄ɔ t̄ɔ n̄e'maa t̄ɔm̄ɔ yɔɔ a be ε, tɪ wɔ d̄ɔɔl a wɔ n̄ū baalsɪ b̄āl̄ā a ba sa.

VI Yesu n̄ee 'maa wɔ naa boj̄ūu baa sɔɔ de wɔ ε. Wɔ yɔn ḡɔr a t̄ēn na wɔ wile.

VII Wɔ b̄ɔɔl naa a wɔ poturbo Pie nɪ Ayi bala won d̄ɔɔ ir, ka ba wa a wɔ s̄ē ka wɔ t̄ɔ ba ayir yir, na wɔ kɔ ba kp̄ēɔ ka ba t̄ɔɔ s̄ideb̄e.

VIII Wɔ 'yer kɔ ba, “Yɪ ta de bon jaa ε, yɪ tara dadiirsɪ t̄ēe. Yɪ ta tara b̄ɔdiir ε, bu w̄ɔr ε, bu ȳɔ libie a yɪ s̄ur ḡāma pɔ ε.

IX Yɪ āsɔɔ jaa wɔ su nafɔbɔ nɪ fuu b̄ɔ'yen t̄ēe.

X Yir jaa pɔ yɪn wa kp̄e, yɪ be a be tɪ ta a s̄ɔɔ 'lɔ yɪn wa yɪ a t̄ēe 'lɔ pɔ.

XI T̄ēe jaa pɔ yɪn wa kp̄e ka baa de yɪ ε, bu sɔɔ a 'yer ε, yɪn wa yire yɪ kpoor a yɪ gb̄ee t̄ā-uul ka a di a ba d̄eer d̄āas̄iε.”

XII Ba yin chen tɪ m̄ɔɔlɔ 'yere a N̄ān̄mɪn 'yer ɪka a n̄ibe ba l̄eb ba t̄ier.

XIII Ba diin a sudebe ka a yi, ti 'lu baalsi kãa ka ba sa.

XIV A nãa Herod mi wõ naa a anyã, bojũu nire jaa wõ naa a Yesu yuor. Ka a bamine 'yere, "A Joon 'lo na i a kõsuoro, 'lo le tõo yi a yaa pɔ, ala le so ka wõ tõnõ a ne'maa tõmõ a le."

XV Ka a banyã mi 'yere, "Elaija le." Ka a bamine mi chene 'yere, "Wu i naa a Nãanmin 'ye'yere asoo nitãa a bala na dõo be be a koro jaa."

XVI Tiche a Herod na wa wõ, wõ 'yer naa, "A Joon 'lo in vë ka ba nmaa a wõ ju le, yi."

XVII A Herod mæe le dõo vë ka ba nyoo a Joon waan, wa lü 'yõo a pɔofu die pɔ. Wu i naa a nitõ, a wõ yebile Filip pɔo Herodiyas won de jũu.

XVIII Joon 'yer ku a Herod, "A ba tara sor ika fu de a fu yebil vor pɔo kul e."

XIX Ka a Herodiyas tara ni a Joon jeer buoro ika wõ ku wõ, tiche waa tõo e.

XX A Herod bõo naa a Joon na i nısõ ni cheche, na wõ joro a Joon dãbãe, na wõ gu wõ tara. A Herod wa wõ a Joon 'yer a ma sob won nibir, tiche wõ ma buoro naa ika wõ chele a wõ 'yer.

XXI Tiche sor wa yuon ku a Herodiyas a sõo 'lo a nãa na wa maala a wõ doofu bibir ye. A wõ doofu bibir nyãna daar, wõ buol naa a nibere bala na turo a wõ puor, ni a sojası nibere, ni a nibere na be a Galilee pɔ.

XXII A Herodiyas bipoo wa kpe naa, na wõ se a bãne ka a pel a nãa Herod ni a wõ nibere bala ba jaa pɔo. Ka wõ 'yer ku a pɔobile, "Soo ma bon jaa fon buoro, in ku fu naa."

XXIII Be le wo pōl ku a pōobile, “Bon jaa fon suor ala ı a n nāalõõ ηmaa gba le, n na ku fu naa.”

XXIV Ka wo yi chen ti suor a wo ma, “Bo le in suor?” Ka a wo ma 'yer wo, “Ti suor a Joon Kõsuor ju.”

XXV Ka a pōobile yi pōo fōo le kpe a nāa sē ti 'yer, “N buoro naa ıka fu 'yõo a Joon Kõsuor ju a la'yelma pō ku ma a pōpāanyā.”

XXVI A nāa pōo sōo naa, tiche a nibe bala won buol na won pōl ku a pōobile jūu, waa buoro ıka wo tōr ε.

XXVII Ka wo tō a nukoro āsōo a dēdēe daa ıka wo chen ti ηmaa a Joon ju waan. A daba chen ti ηmaa a Joon ju a pōofu die pō

XXVIII 'yõo a la'yelma pō waan, wa ku a pōobile ka wo de ku a wo ma.

XXIX A Joon poturbo na wō a le, ba chen ti 'mōo wo na ba ũu.

XXX A Yesu nitōnstı lieb wa lõo taa a wo sē, na ba wa man a le jaa ban tō ti wiil a nibe, na ba ku a Yesu.

XXXI A nibe yōo na waara ti chiine jūu, jaa gba ba be be a ban di ε. Be le ka Yesu 'yer ku ba, “Yı wa a sın tēe chen a jie 'lo a nibe na ba be ε, a yı ti jāne pēn.”

XXXII Ba kpe naa a gboro bala tēe chen a jie 'lōnõ.

XXXIII Tiche a nibe na wa nye ban chiine ba bōo ba naa. A ba yi a tēn a jaa de nie jon gbεε ti ara a be.

XXXIV A Yesu na wa ti ta, na wo nye a nıyōo a ba ure nıbaal a wo sē, ban kaara fıka piir na ba tara chıne jūu, wo piel wile ba yelyōo.

XXXV Mõtõo na wa moro a wo poturbo wa naa wa 'yer ko a Yesu, "A ka i naa mogõo, ti a mõtõo mi moro;

XXXVI wel a nibe bar a ba chen a por ni a ten na gbor ti bo bõdiir da di."

XXXVII Ka be le a Yesu 'yer soo ba, "Yin mæe yi ko ba bõkõo a ba di." Ka a poturbo 'yer ika, "Nyine le sin nye a libie anyãna? Nibõ'yen ñmersi aniin sãyar gba! Nmune le sin i ko ba jaa bõdiir?"

XXXVIII A be le a Yesu suor ba, "Paanõosi anmune le yi tara? Yi chen ti kaa." Be le ba chen ti kaa ti wa 'yer ko wo, "Paanõosi anũu, ni jãme ayi."

XXXIX A Yesu 'yer ko a poturbo a ba i a nibe ba jaa a ba jẽ gbulsu a mo'yo lo ju.

XL Be le a nibe jãne jãne, a gbulsu gbulsu. Bamune jãne naa koor koor, ka bamune mi jãne ljaayi ni piir.

XLI A Yesu de naa a paanõosi anũu ni a jãme ayi ala na wo kaa saaju ti dol puor Nãanmin yãan. Wo de naa a paanõosi ñma ñma ti de ko a wo poturbo ti 'yer, "Yi de põ a nibe." Ti le de a jãme ayi ala mi ñma põ a nibe.

XLII A nibe ba jaa din, na ba ti,

XLIII tiche ka a poturbo wob a bõñmaara 'yõo per pie ni ayi.

XLIV A nibe bala na dõo di a bõdiir ala, door tee i naa tur anũu.

XLV Ajiënaa, ka a Yesu 'yõo a wo poturbo a ba kpe a gboro na ba de nie chiine a Betisaida ti wo na wel a nibe bar.

XLVI Wõn wa bar ba wa baar, wo do naa a tõo ju ika wo ti puor.

XLVII A wer na wa sooro, a gboro be naa a man sãlsõõ, tiche ka wõ be a weyõõ, 'lo tææ.

XLVIII Wõ nye naa a wõ poturbo ka ba mõnõ a gboro faara bojũu a sesebe furo na tuoro ba. A wer na wa gboro a chaarfõ, wõ yin chiine a kõõ ju waara a ba sã, ta booro ìka wõ po ba.

XLIX Ban wa nye won chiine a kõõ ju a læ, ba tter ìka kpĩin læ, na ba ñme chelsi,

L bojũu ba jaa nye wõ naa ka dãbãæ kpe ba. Ajienea, ka a Yesu tãn, "Yi nyoo nyãa! Maa læ! Yi taa joro dãbãæ æ."

LI Tì pãa kpe a gboro po ka a sesebe ñmaa voo. Ka a neer 'maa ba yoo jaa.

LII Baa dõõ bõõ a paanõõsì ala par æ, bojũu a ba ju ba wõnõ nyaar æ.

LIII Ban wa gõõ a man do lũ a gboro a Gene-sareti gõõn,

LIV tì tõõ yi a gboro po, nibe nye naa a Yesu bõõ.

LV A nibe jon yo a wer 'lo wõ jaa na ba tuo a ba baalsi ni sõn chiin jie jaa ban wõ ìka wõ be naa.

LVI Jie jaa won chen, tãkpãæ po bi, tãbile po bi, ka a tãe kõkoo lãææ, ba ma gaal naa a ba baalsi a chãa po. Ba ma sooro naa a Yesu ìka wõ soõ ka ba sur a wõ fuu neæ gba, bala jaa na sur, ma sa naa.

VII

I A Faraseemine ni a Mosesi Neæ wiwiilbe bamine yi naa a Jerusalem wa lõõ a Yesu sã,

II na ba nye a wõ poturbo ka ba dire ni nõdebe. Ka a læ wiil ìka baa peæ a ba nuur a, "Puorfõ peæfõ 'lo æ."

III A Faraseemune ni a Juu nibe ba maa di ka bala ba pɛɛ a ba puorfo pɛɛfo 'lo ɛ, na ba turo a le a ba niberɛ na bin.

IV Bala wa yi daa wa, ba maa di ka bala ba pɛɛ a pɛɛfo 'lo ɛ. Ban turo a ba bin yoo ala jũu, ba ma pɛɛn a nmama, dɔɔr ni a kulaar.

V Ala le so ka a Faraseemune ni a Mosesi Nɛɛ wiwiilbe sɔɔr a Yesu, “Bo le so ka a fo poturbo ba turo a le a si niberɛ na bin ɛ, na baa pɛɛ a ba nuur ɛ ti dire ni nũdebe!”

VI Ka a Yesu 'yer, “Sire jaa le a Isaiya dɔɔ 'yer a yin nɛɛr ayi dɛme 'yer na wo seb. Nãanmɔn 'yer naa, ‘A yin nibe banyãna 'yɔɔnɔ ma naa ni a yi nɛɛ, tiche ka a yi potier jãa a n sɛ.

VII Pɔɔrɔ le yi puoro ma, bojũu yi wile naa nusaal nebinsi ti tier ɔka maa nɛɛ le.’ *(Isaiya 29:13)*

VIII Yi bar naa a Nãanmɔn Nɛɛ ti turo a le a yi niberɛ na bin.

IX “A ba ɔ ka yi de yɛ bar a Nãanmɔn Nɛɛ tufɔ ti turo a le a yin mãɛ na bin ɛ.

X Mosesi 'yer naa a Nãanmɔn gãn pɔ, “Yɔɔnɔ a fo sãa ni a fo ma.’ *(A Yifo Gãn 20:12)* Na wo

mu le 'yer, ‘Isɔɔ jaa wa pɔ 'yɔɔ a wo sãa bu a wo ma, ba kɔ wo.’ *(A Yifo Gãn 21:17)*

XI Tiche ka yin 'yer ɔka a sɛɛ na, nire wa 'yer kɔ a wo sãa bu a wo ma, ‘Bon jaa un naa kɔ fo, n den kɔ Nãanmɔn.’

XII Yi maa le vɛ ka wo maal bon jaa kɔ a wo sãa bu a wo ma ɛ.

XIII Yin ire a nitɔ jũu, ka yi kaara a Nãanmɔn Nɛɛ pɔɔrɔ ti turo a le yin mãɛ na bin. Yelyoo mu ben be yin ire ni nyetaa a nitɔ.”

XIV A Yesu le bõo bool a nuyoo ka ba lieb wa a wõ sê. Ka wõ 'yer, "Yi ãsõo jaa wõ chel wõ in 'yere ti na yi bõo a par.

XV Bon jaa ba be ka a yõo ka nire na de di ka a bõnyine vê ka wõ dæ ε, tiche bon 'lo na yi a nire potier pò le na vê ka wõ dæ." ¹

XVII Sõo 'lo won wa bar a nuyoo bala ti kpe a yir, a wõ poturbo suor wõ naa a sokpa par.

XVIII Ka a Yesu suor ba, "Yi mi i naa a nibe bala na ba bõo a par bu? Yaa bõo ika bon jaa ba be be ka nire na de di na wõ dæ ε,

XIX bojũu wõ maa kpe a wõ tier pò ε, tiche poom le wõ ma suu na wõ ti yi." Yesu 'yer a nitõ na wõ wiil ika a bõdiir a jaa seen difo.

XX Na wõ mi le 'yer ika, "Bon nyã na yi a nire potier pò le ma tõo vê ka wõ dæ.

XXI Ala na ma yi a nire potier pò le, tier dæbe, ni a sêseyele, ni a nãnyuur, ni nire kofõ, ni sêfo,

XXII ni a nyuur, ni a putuo, ni jire, ni kakaba, ni bobier, ni yosõo, ni polyele ni a jolyele.

XXIII A yeldebe anyãna a jaa le ma yi a nire potier pò, vê ka wõ dæ."

XXIV Be le ka a Yesu yi a be na wõ chen a Tire wer pò. Wõ ti kpe naa a yir ãsõo pò, ti waa buoro ika nire jaa wõ bõo ka wõ ben be ε. Tiche wõ kũ tõo sool ε.

XXV Ala a pòo na tara wõ bipoo ka a sidæer tara, ajienaa won wõ wõ a Yesu 'yer, wõ wan wa lo gbur dumo a wõ niem.

¹ **VII:XXV 7:15** A gãma amine pò, baa 'yõo a põfo pie ni ayooob ε ika, 16 Nire jaa na tara toor, wõ chele.

XXVI A pɔɔ ba dɔɔ ɪ a Juu nɪɛ ɛ, na wɔ dɔɔ yi be a Siriya Fonisiya paal pɔ. Wɔ sɔɔr naa a Yesu ɪka, wɔ dii a sɪdɛɛr bar a wɔ bipɔɔ pɔ.

XXVII Ka a Yesu 'yer, “Bar ka a bibiir di a lɛ ban bɔɔrɔ, taa de a bibiir bɔ̃diir kɔ baar ɛ.”

XXVIII Ka a pɔɔ mɪ 'yer, “Sɪɛ lɛ, n Soro, tɪchɛ a baar mɪ ma dire naa a bɔ̃ pɔr pɔr ala a bibiir na ma dire, tɪchɛ ka a loro a tɛɛ.”

XXIX Ka a Yesu 'yer kɔ wɔ, “A nɪtɔ̃ fɔn 'yer j̃uu, kulo. A sɪdɛɛr bar naa a fɔ bipɔɔ.”

XXX Wɔ kul tɪ nyɛ a bie na gã a gado ju, tɪ a sɪdɛɛr yi.

XXXI Yesu lɛ yi naa a Tire wɛr pɔ, na wɔ tu a Sidon suu a Galilee man pɔ, na wɔ tɪ chen a Dekapolisɪ paal pɔ.

XXXII Be lɛ ka nɪbɛ bamɪne waan daba na ɪ wɔ̃o, na waa tɔ̃ɔnɔ̃ 'yerɛ s̃ɔ ɛ. Ba sɔɔr a Yesu ka wɔ sɪɪr a daba nɪ a wɔ ñuu na wɔ s̃aa wɔ.

XXXIII Ka Yesu tara a daba yin chɛ̃chɛ̃ɛ, na wɔ de a wɔ nubie su a daba tobɔɔr pɔ, be lɛ wɔ chir nataar tɪ sɪɪr a daba j̃albir.

XXXIV Na wɔ dɔl kaa a saaju tɪ vɔɔr na wɔ 'yer kɔ a daba, “Efata!”, a par lɛ a Yesu nɪbɛ kɔkɔr pɔ, yuo.

XXXV Ajienaa ka a daba tobo yuo ka a j̃albir lɛb ka wɔ piel 'yerɛ jaa chechɛ.

XXXVI Yesu kpaal ban j̃uu ɪka ba taa ɪɛ wa 'yerɛ kɔrɔ nɪɛ jaa ɛ. Tɪchɛ a lɛ won kp̃aa ba lɛ lɛ ba mɪ 'yerɛ yɔɔrɔ nɪ a jie wɔ jaa.

XXXVII A nɪbɛ nɛɛ 'maan yɔɔ jaa ka ba 'yerɛ, “Wɔ ɪn yeɛ jaa s̃ɔ. Wɔ gba ma ṽɛ naa ka wɔ̃o wɔ̃nɔ̃, tɪ j̃albir lɛb 'yerɛ chechɛ.”

VIII

I A s̄oɔ 'lõnõ pɔ, niyɔɔ lɛ l̄õn taa go a Yesu s̄ɛ, tɪ baa tara bon na di ɛ. Yesu b̄oɔl a wɔ poturbo ka ba wa a wɔ s̄ɛ ka wɔ 'yer,

II “A nɪbɛ banyã ɪɛ naa nɪbaal, bojũu ber ata nɪ nyã ban be a n s̄ɛ, baa lɛ tara bon na di ɛ.

III Maa mɪ bar ba ka ba kulo nɪ a k̄õ, ban tɪ lon sɔr pɔ, bojũu bamɪne yin tɛɛr.”

IV Ka a wɔ poturbo 'yer, “Tɪche nyɪnɛ lɛ a kanaa a mɔḡɔɔ pɔ nɪɛ na nyɛ b̄õdiir kɔ ba?”

V Ka a Yesu s̄oɔr ba, “Paanõɔsɪ aɲmɪnɛ lɛ yɪ tara?” Ka ba 'yer, “Paanõɔsɪ ayopõi.”

VI Wɔ 'yer naa a nɪbɛ, ka ba jãnɛ t̄ɛɛ, tɪ na wɔ de a paanõɔsɪ ayopõi ala puor Nãaɲmɪn yãan, tɪ ɲma ɲma de kɔ a wɔ poturbo ka ba de p̄õ a nɪbɛ.

VII Ba tara naa a jãbil amɪne, ka wɔ de a ala mɪ puor Nãaɲmɪn yãan, tɪ 'yer ɪka a poturbo ba de p̄õ a nɪbɛ.

VIII Ba di naa tɪ tɪ chɛ. Ka a wɔ poturbo wob a b̄õɲmaara ala ban di faa 'ȳõɔ pɛr ayopõi.

IX Ba ɪ naa tur anaar. Ka wɔ bar ba a sɔr.

X Ajienaa, 'lɔ nɪ a wɔ poturbo 'mantaa kɛɛ a gboro pɔ, na ba chen a Dalmanuta paal pɔ.

XI Be lɛ a Faraseemɪne wa s̄oɔ wɔ yels̄oɔrsɪ, b̄oɔrɔ ɪka ba b̄ɛɛr wɔ kaa, na ba 'yer ɪka wɔ wiil ba jãnɛ k̄õɔ ka ba b̄õɔ ɪka wɔ yin a Nãaɲmɪn s̄ɛ.

XII Ka wɔ v̄oɔr lɛ fãa tɪ 'yer, “Bo lɛ so ka a yɪn p̄õp̄ãnyã nɪbɛ b̄oɔrɔ jãnɛ ɪka yɪ nyɛ? Yelmãɛ lɛ n 'yɛɛ k̄oɔrɔ yɪ, yɪ k̄õ nyɛ jãnɛ jaa ɛ.”

XIII Wɔ bar ba naa tɪ kɛɛ a gboro ḡõɔn̄õ a man ḡõɔn.

XIV A wɔ poturbo ñin naa ba tara paanõɔ ε, tɪ tara bõ'yen tεε a gboro pɔ.

XV Ka a Yesu 'yer kɔ ba, "Yɪ bõɔn a Faraseemɪne paanõɔ dābɪl nɪ a Herod paanõɔ dābɪl mɪ."

XVI Ka a wɔ poturbo guor taa 'yerε, "Sɪn ba tara a paanõɔ lε sɔ."

XVII Yesu na bõɔn a lε ban 'yerε, wɔ sɔɔr ba naa, "Bāa 'yõɔ lε yɪ 'yerε ɪka yaa tara paanõɔ ε? Yaa bõɔ a par sere ε? A yɪ nyāa kpēmε na mɪ?"

XVIII Yɪ tara na nɪbie tɪ ba nyere ε, na yɪ tara tobo tɪ ba wõnõ ε. Yɪ ñin bu?

XIX A paanõɔsɪ anũu ɪn dõɔ de ηma kɔ a dɔɔr tur anũu, per anmɪne lε yɪ wob a bõηmaar na che 'yõɔ?" Ka ba 'yer, "Per pie nɪ ayɪ."

XX Ka a Yesu lε bõɔ 'yer, "ɪn lε de a paanõɔsɪ ayopõɪ na n ηma kɔ a nɪbe tur anaar, per anmɪne lε yɪ lε wob 'yõɔ?" Ka ba 'yer, "Per ayopõɪ."

XXI Ka wɔ 'yer kɔ ba, "Yaa bõɔ a par sere ε?"

XXII Ba wa ta na a Betɪsaida tēe pɔ, ka a nɪbe bamɪne tara jõɔ waan a Yesu sē wa sɔɔr wɔ, ka wɔ sɪr a jõɔ ka wɔ nyere.

XXIII Yesu nyɔɔ naa a jõɔ nũu tɪ tɔɔ wɔ yin a tēe cheche. Wɔ tɪ chir nataar 'yõɔ a daba nɪbie pɔ tɪ dɔɔl wɔ a nũu tɪ sɔɔr wɔ, "Fɔ nyen bon bu?"

XXIV Ka a daba dɔɔ kaa tɪ 'yer, "N nyen nɪbe na kaara tɪr kaar na ba vire yɔɔrɔ."

XXV Ka a Yesu lε de a wɔ nuur pɔɔ a daba nɪbie, ka a wɔ nɪbie yuo, ka wɔ nyere pāa nyε bomo a jaa cheche.

XXVI Ka a Yesu 'yer kɔ wɔ, "Kulo, ta lε kpε a tēe pɔ ε."

XXVII Yesu ni a wo poturbo chen naa a tēn ala naa gbūr Sisariya Filipai. A sōr pō ban be chiine, a Yesu sūr ba naa, “An lē a nibe 'yere ūka n i naa?”

XXVIII Ka ba 'yer, “Bamīne 'yer naa ūka fōō lē a Jōōn 'lō na dōō suoro a nibe a Nāanmīn kōō. Ka bamīne mī 'yer ūka Elaija. Ka a bamīne mī chene 'yere ūka fō i naa Nāanmīn 'ye'yere āsōō na dōō be be.”

XXIX Ka a Yesu sūr ba, “Tiche an lē yī mī 'yer ūka n i naa?” Ka a Pita 'yer, “Fōō lē a Nī-iraa, a Nāanmīn na tō ūka fō faa a wō nibe.”

XXX Ka a Yesu kpāa ba, “Yī taa ūre wa 'yere a n 'yer kōō nire jaa ε.”

XXXI Yesu piel wile ba na wō 'yere ūka a Nīsaal Bie na din dōōye yeke yōō pō, ka a Juu nibeere, ni a ba bōōro nibeere ni a Mosesi Nēē wiwillbe tōr wō bar, na ba kō wō. Tiche a ber ata daar wōn ir naa a kōō pō i vōr.

XXXII Wō 'yer naa anyā chāa pō, ka a Pita tara wō yin chēchēē tī piel mīi 'yōō wō.

XXXIII Tiche ka a Yesu lēb kaa a wō poturbo tī mī mīi 'yōō a Pita 'yere, “Tōō chen be, Satan! A fō tier un nire tier, waa i Nāanmīn tier ε.”

XXXIV Be lē wō bōōl a nyōō ni a poturbo ka ba wa a wō sē, ka wō 'yer kō ba, “Nire 'lō jaa na bōōrō ūka wō turo ma, a ninyine na 'laara a wō māē tī de a daa na i dōōye ni kōō, tī turo ma.

XXXV Nire 'lō jaa na bōōrō a wō nyevōr, a wō nyevōr na bōr na, tī nire 'lō na sōō a wō nyevōr bōrfō a maa ni a 'yer nōō nyā jūū, na faa wō naa.

XXXVI Ala i nire tara naa a wer nyā bonsi a jaa tī a wō sīē wē, bo tōnō lē be be?

XXXVII Bii bo le nire na de teen a wo sie?

XXXVIII Ala i nire mi nye naa a maa ni a n 'yerbie ka a i va yele a nibe banya na tor Naaŋmin bar, ni a putudeme se, a Nisaal Bie mi na kaa naa a ninyine 'lo ka wo i vi soo a soo 'lo won wa lieb wa ni a wo Saa tur 'mataan a malaka chechesi."

IX

I Ka a Yesu 'yer ko ba, "Yelmæ le n 'yere koro yi, bamine ara naa a kana na ba ko kpi e, tiche na ba nye a Naaŋmin naaloo na na wa ni kpeo."

II A ber ayooɔ puor, Yesu tara naa Pita ni Jemesi ni Jon tee na wo de ba nie ka ba 'mataa do toowo ko ju. Be le wo ti chil a ba niem.

III A wo fuu pel nyile gar bopta jaa nire na maal a ka a wer po.

IV Ka a Elaija ni a Mosesi, wa daa yi a ba se. Ka bala ni a Yesu 'mataa 'yere.

V Ka a Pita 'yer ko a Yesu, "Wiwile, a see naa sin be a ka. Soo, ka si maal seer ata: foo asoo, Mosesi asoo, Elaija mi asoo."

VI Pita ba boo nmine wo na 'yer e, bojuu dabae kpe ba naa.

VII Ka a juloor wa po ba, ti kokor 'yer a be a juloor po, "N binona le a nyana. Yi chele a wo 'yer."

VIII Ajienaa ban tka ba kaa, baa le nye nire jaa e, ti nye a Yesu tee.

IX Ban wa yi a too ju suro, ka a Yesu kpa ba tka ba taa wa 'yere a le ban nye koro nire jaa e, wa ti tan a le a Nisaal Bie na ir yi a wo kuu po.

X Baa 'yer ko nire jaa e, ti 'yere na ba soro taa a kuu po irfo par.

XI Ka ba soor wɔ, “Bo le so ka a Mosesɩ Nɛɛ wiwiilbe 'yer ɩka Elaija le na de nie wa?”

XII Ka a Yesu 'yer, “Sɩɛ jaa le a Elaija de nie wa chɔɔr a yele jaa. Tɩ ba mɩ seb ɩka a Nɩsaal Bie na din dɔɔye yɔɔ ka ba tɔr wɔ bar.

XIII Tɩche n 'yere na kɔrɔ yɩ ɩka a Elaija wa naa ka ba ɩ a le jaa ban boorɔ kɔ wɔ ntãa a le ban seb a Nãanmɩn gãn pɔ.”

XIV Ban wa ta a poturbo nmaa bala sɛ, ba nyen niyɔɔ na ara jilɔ ba ka a bala ni a Mosesɩ Nɛɛ wiwiilbe chɩɛ taa.

XV Ka nɩbe na wa nye a Yesu na waara, ka ba nɛɛ 'maa ka ba jo tuor puor wɔ.

XVI Ka a Yesu soor a wɔ poturbo, “Bo le yɩ chɩɛ taa a le?”

XVII Ka nɩɛ ãsoɔ 'yer a be a niyɔɔ pɔ, “Wiwile, n bidaba le sɩɔɔɛr niyɔɔ ka wɔ maa tɔɔ 'yer ε, ka n waan a fɔ sɛ.

XVIII ‘Lo wa ir wɔ, wɔ ma daa wɔn lɔb tɛɛ ka wɔ furo a natafuul tɩ ɔɔrɔ a nyɩɛ tɩ tãa. Ka n wa soor a fɔ poturbo ɩka ba dii a sɩɔɔɛr nyãna bar, ka baa tɔɔ ε.”

XIX Ka a Yesu 'yer, “Aa, a yɩn nɩbe banyã na ba tara soofɔ ε, n be a yɩ sɛ kor ta nɩmɩɛ? N tara kãnyir nɩmɩɛ kɔ yɩ? Waan a bie wa kɔ ma.”

XX Ka ba waan a bie. A sɩɛ na wa nye a Yesu, wɔ ir tãa a bie ka wɔ lo tɛɛ, mɩɛ tɩ bile tɩ furo a natafuul.

XXI Be le a Yesu soor a bie sãa, “Sɔɔ buor le a piel wɔ a nitɔ?” Ka a sãa 'yer, “A bibile daar jaa le a piel wɔ.

XXII Wɔ ma daa wɔn lɔb bũu pɔ bu kɔɔ pɔ boorɔ ɩka wɔ kpi. Ala ɩ fon tɔɔ ɩ yele kɔɔ, kaa a sɩ nɩbaal tɩ na fɔ sɔɔ sɩ.”

XXIII Ka a Yesu mɪ 'yer, “Bo le so ka a fɔ 'yer ɪka ala ɪ un tɔɔ naa? Yele jaa un kɔ̃mɔ̃kɔ̃mɔ̃ kɔ a bala na sɔɔ de ma.”

XXIV Ajienaa le a bie sãa chur, “N sɔɔn de fɔ! Sɔ̃ɔ ma, a n sɔɔfɔ ba berma ε!”

XXV Yesu na wa nye a nɪyɔɔ na joro lɔɔnɔ̃ taa a jie, wɔ tãn a sɪdɛɛr, “Fɔ̃ɔ sɪdɛɛr na ma ṽẽ ka nɪbe ɪ wɔ̃n, wa yi a bie pɔ na fɔ taa le ure wa kpɪɛɛ a wɔ pɔ go ε!”

XXVI Ka a sɪɛ ɲme chelma tɪ dɔɔnɔ̃ a bie yɔɔ tɪ yi, ka a bie gã kaara fɪka kũu. Ka a nɪbe 'yer, “Wɔ̃ kpi naa!”

XXVII Tɪche ka a Yesu nyɔɔ a wɔ nũu tɔɔ, ka wɔ ir ara.

XXVIII Yesu na wa kpe a yir 'lo nɪ a wɔ poturbo tɛɛ, ka ba sɔ̃ɔr wɔ, “Bãa le so ka sɪn ba tɔɔ a sɪdɛɛr nyã dii bar ε?”

XXIX Ka a Yesu 'yer, “Nãanmɪn sɔ̃ɔrfɔ tɛɛ le na ṽẽ a fɔ dii a sɪɛ nyã ka wɔ yi.”

XXX Ba yin a jie 'lo tɪ tu a Galilee tal. Yesu ba bɔɔɔ ɪka nɪɛ jaa wɔ bɔ̃ɔ a jie ban be ε,

XXXI bojũu wɔ wile naa a wɔ poturbo, “Ban de naa a Nɪsaal Bie kɔ a nɪbe, ka ba kɔ wɔ. Ka a ber ata daar won ir naa, na wɔ tara nyevɔr.”

XXXII Tɪche baa bɔ̃ɔ a par a le won 'yɛɛ ε, tɪ joro dãbãɛ ɪka ba sɔ̃ɔr wɔ.

XXXIII Yesu nɪ a wɔ poturbo wa ta na a Kape-nahum. Ban wa kpe a yir, a Yesu sɔ̃ɔr ba naa, “Bãa 'yɔ̃ɔ le yɪ chɪɛ taa a sɔ̃ɔr pɔ a le?”

XXXIV Ka ba ɪ jaa gbulo, bojũu a sɔ̃ɔr pɔ ba chɪɛ na taa ɪka an le ɪ a kp̃ɛɛ.

XXXV Yesu na wa jãne wɔ bɔ̃ɔl naa a wɔ poturbo Pie nɪ Ayi na wɔ 'yer kɔ ba, “A yɪ ãsɔɔ

wa booro ũka wɔ de nie, a nɔnyɛ 'lo wɔ ɪ a yɪ jaa bile, na wɔ ɪ a yɪ jaa tɔtɔnɔ̃.”

XXXVI Yesu vɛ naa ka bibile kɔɔ ir ara a ba jaa sãlsɔɔ. Wɔ 'mɔɔn a bie tɪ 'yer kɔ ba,

XXXVII “Nɪre 'lo jaa na de a bibiir banyãna taaba a n jũu, maa ɛ wɔ de. Nɪre 'lo jaa mɪ na de ma, a ba ɪ maa ɛ wɔ de ɛ, tɪche a nɪre 'lo na tɔ ma ɛ wɔ de.”

XXXVIII Ka a Jɔɔn 'yer kɔ wɔ, “Wiwile, sɪ nyɛ naa nɪre ãsɔɔ mɪ na de a fɔ yuor na wɔ dire nɪ a sɪdebe ka a yire. Ka sɪ 'yer ũka wɔ bar bojũu waa ɪ a sɪ ãsɔɔ ɛ.”

XXXIX Ka a Yesu 'yer kɔ ba, “Yɪ ta dii wɔ bar ɛ. Nɪre 'lo jaa na de a n yuor tɔnɔ̃ nɪ ne'maa tɔmɔ̃ kɔ 'yer ma 'yerdeer go ɛ.

XL Nɪre jaa na ba jɛer nɪ sɪ ɛ, pɔɔ sɪ naa.

XLI Yelmãe ɛ n 'yere kɔɔ yɪ, nɪre 'lo jaa na kɔ yɪ kɔ'maar nɪ ŋmele, yɪn ɪ a maa sofɔ jũu, a nɔnyɛ kɔ wa faa a wɔ sãyar ɛ.

XLII “Ala ɪ ãsɔɔ jaa mɪ vɛ naa a bɔbil banyãna ãsɔɔ na sɔɔ ma ɪ yelbier, a nɔnyɛ 'lɔnɔ̃, bala 'mɔɔ nɪer lũ yɔɔl a wɔ nyɛ pɔ daa 'yɔɔ a man pɔ, ala sa.

XLIII Ala ɪ a fɔ nũu vɛ naa ka fɔ ɪ yelbier, ŋmaa bar. Fɔn tɪ kpe nyevɔr pɔ nɪ nũŋmaa sa naa fon tara a nuur a jaa ayi tɪ tɪ kpe a wɔm jie a be a bũu na ba kpĩine ɛ. 2

XLV Ala ɪ a fɔ gber mɪ vɛ naa ka fɔ ɪ yelbier, ŋmaa bar fon tɪ kpe nyevɔr pɔ nɪ gbenmaa sa

2 IX:XLIII 9:43 A gãma amune pɔ, baa 'yɔɔ a pɔfo ljaayi nɪ anaar ɛ ũka, 44 Be ɛ a 'Bufulo ba kpire ɛ, ka a bũu mɪ ba kpĩine ɛ.'

naa fon tara a gbεε a jaa ayi ti ti kpe a wōm jie.
3

XLVII Ala ι a fō nūbir mī vē naa ka fō ι yelbier, 'loo bar. Fōn ti kpe Nāanmīn nāalōo pō nī nūbifε sa naa fōn tara a nūbie ayi ti ti kpe a wōm jie.

XLVIII Be le a 'Bufulo ba kpire ε, ka a būu mī ba kpīine ε.' *(Isaiya 66:24)*

XLIX Dooye difo na heb nure jaa nitāa le nyaar na ma wō bōdiir ka a nōmō.

L "Nyaar ι naa, tiche a nōo wa baar, ban le bool won nyaar o? Yi ι nyaar, na yi tara nyā'maar ku taa."

X

I Yesu pāa yin a jie 'lo na wa chen a Judiya paal, na wō ti gōo a Jordan man. Niyoo le wa naa a wō sē go, ka wō wile ba nitāa a le won ma wile ba.

II A Faraseemine bamine wa naa ūka ba wa bεer wō kaa, na ba sōor wō, "Sōr ben be ka daba na tor a wō pōo bar bi?"

III Ka a Yesu mī sōor ba, "Nīmīne le a Mosesi dōo 'yer?"

IV Ka ba 'yer, "Mosesi bar sōr ūka daba wō seb dāasε gān ti na wō tor a wō pōo bar."

V Ka a Yesu 'yer ku ba, "A yi nyākpāen jūu le so ka wō seb a le.

VI Tiche a wer pielfo, Nāanmīn maal daba nī pōo. *(A Pielfo Gān 1:27)*

VII A le jūu, daba na bar a wō sāa nī a wō ma tiche ka 'lo nī a wō pōo ι bō'yen,

3 IX:XLV 9:45 A gāma amine pō, baa 'yōo a pōfo ljaayi nī ayooε ε ūka, 46 Be le a 'Bufulo ba kpire ε, ka a būu mī ba kpīine ε.'

VIII ka ba jaa ayi ɪ āgān bõ'yen. *(A Pielfo Gān 2:24)* Baa le ɪ ayi ε, tɪ ɪ bõ'yen.

IX A le jūu, bon 'lɔ jaa Nāanmɪn na 'mataa, nɪrɛ wɔ ta nyɔɔ wɛl ε."

X Ban wa lɛb kul a yir, a Yesu poturbo sɔɔr wɔ naa a 'yer nyā go.

XI Ka wɔ 'yer kɔ ba, "Daba jaa na tɔr wɔ pɔɔ bar tɪ kul pɔɔ yuo, wɔ maal yelbier.

XII Le mɪ le, pɔɔ wa tɔr a wɔ sɪrɛ bar tɪ kul dayuo wɔ mɪ maal yelbier."

XIII Nɪbɛ dɔɔ waara nɪ a ba bibiir ɪka Yesu wɔ dɔɔl ba a wɔ nūu, tɪchɛ ka a wɔ poturbo mii 'yɔɔ ba.

XIV Yesu na wa nyɛ a le a wɔ poturbo na ɪ, wɔ nyɛn suur na wɔ 'yer kɔ ba, "Yɪ bar a bibiir ka ba wa a n sɛ, na yɪ ta ŋmaa ba sɔr ε. A ba nyāna taaba le so a Nāanmɪn nāalɔɔ.

XV Yelmāɛ le n 'yerɛ kɔrɔ yɪ, nɪrɛ jaa na ba sɔɔ de a Nāanmɪn nāalɔɔ nɪtāa a bibile ε, wɔ kɔ tɔɔ kpe be ε."

XVI Be le wɔ 'mɔɔr a bibiir, tɪ dɔɔl ba nuur na wɔ sɔɔr Nāanmɪn 'yɔɔ ba.

XVII Yesu na wa de a sɔr chiine, daba jon var gbur dumo a Yesu niem tɪ sɔɔr wɔ, "Wiwiilmāɛ, bo le ɪn maal, naa nyɛ nyɛvɔr na ba tara baarfɔ ε?"

XVIII Ka a Yesu 'yer kɔ wɔ, "Bāa 'yɔɔ le fɔ bɔɔl ma nɪmāɛ? Nɪrɛ jaa ba ɪ māɛ ε, ka Nāanmɪn tɛɛ ba le ε.

XIX Fɔ bɔɔ naa a Nāanmɪn Nɛɛ. Taa kɔ nɪrɛ ε. Taa sɛnɛ ε. Taa juro ε. Taa dire dāastjiri ε. Taa folɔ ε. 'Yɔɔnɔ a fɔ sāa nɪ a fɔ ma." *(A Yifo Gān 20:12-16)*

XX Ka wɔ 'yer, “Wiwile, n bile sɔɔ jaa le n turo a Nɛɛ anyāna wa tān a dīna.”

XXI Yesu kaa naa a daba nɪ nŏfɔ, tɪ 'yer kɔ wɔ, “A che fɔn yelbŏ'yen. Kul tɪ da a fɔ bonsɪ a jaa de pŏ nŏn dēme, ala le fon tara bŏmāɛ a Nāanmɪn sē. Tɪ na fɔ pāa wa turo ma.”

XXII A 'yer nyā vē naa ka a daba sŏ nie na wɔ kul pɔsŏɔ, bojūu tara sɔɔ le wɔ ɪ.

XXIII Be le ka a Yesu kaa gɔɔr na wɔ 'yer kɔ a wɔ poturbo, “A tara sɔɔ kpɛfɔ a Nāanmɪn nāalŏɔ pɔ ɪn kpɛɔ!”

XXIV A 'yerbie anyāna vē naa ka ba nɛɛr 'maa, tɪche ka wɔ le 'yer go, “Bibiir, a ɪn kpɛɔ kɔ nɪrɛ jaa na na kpɛ a Nāanmɪn nāalŏɔ pɔ!”

XXV An ɪn kŏmŏkŏmŏ, nyɔɔma na na kpɛ kparpīi bɔɔ pɔ gar tara sɔɔ na na kpɛ a Nāanmɪn nāalŏɔ pɔ.”

XXVI Ka a poturbo pāa ɪ chīcham, tɪ lɪɛb sɔɔ taa, “An le na pāa tŏɔ nyɛ faafɔ?”

XXVII Ka a Yesu kaa ba tɪ 'yer, “Nɪrɛ sē 'lɔ, a ɪn tuo, tɪche Nāanmɪn sē ba le ɛ. Nāanmɪn sē ye le jaa ba ɪ tuo ɛ.”

XXVIII Be le Pita 'yer kɔ wɔ, “Nyɛ, sɪn bar bon jaa tɪ wa turo fɔ!”

XXIX Ka Yesu 'yer, “Yelmāɛ le n 'yerɛ kɔɔ yɪ, nɪrɛ 'lɔ jaa na bar a wɔ yir bu yɛɛr, bu yɛpɔbɔ bu a wɔ sāa bu a wɔ ma, bu bibiir bu wɛr, tɪ 'la maa nɪ a 'yer nŏɔ nyā jūu,

XXX wɔn nyɛn yɔɔ a dīna. Wɔn nyɛn yie, yɛɛr, yɛpɔbɔ, mamɪne, bibiir nɪ wɛr dɔɔl gbɛɛ kɔbaa, nɪ a gefɔ! Tɪ a sŏɔ 'lɔ na waara, ka wɔ nyɛ nyɛvɔr na ba tara baarfɔ ɛ.

XXXI Tiche a nyɔɔ bala na de nie na wa ben puor, ka a nyɔɔ bala na be a puor mi wa de a nie.”

XXXII Ba dɔɔ de a sɔr duoro a Jerusalem ka Yesu de a nie, ti a wɔ poturbo nɛɛr 'maa ka bala mi na turo joro dābāɛ. Wɔ tɔɔ naa a Pie Ni Ayi yin chēchē 'yer kɔ ba a len na wa a wɔ sɛ̃.

XXXIII Yesu 'yer naa, “Sɪn chiine a Jerusalem tēe pɔ, be lɛ ban ti de a Nɪsaal Bie kɔ a Juu nɪbɛ bɔɔrlo nɪbɛɛ nɪ a Mosesɪ Nɛɛ wiwilbe, ka ba ɪka wɔ sɛɛn kūu, na ba nyɔɔ wɔ kɔ a nɪbɛ na ba ɪ a Juu nɪbɛ ɛ.

XXXIV A banyāna na la wɔ naa, na ba chur nataar 'yɔɔ wɔ, na ba fɔb wɔ ti kɔ wɔ. Ka a ber ata daar won ir naa a kūu pɔ ɪ vor.”

XXXV Be lɛ a Jebedee bibiir Jemesɪ nɪ Jɔɔn tɔɔ gbɔr a Yesu na ba 'yer, “Wiwile, sɪ bɔɔrɔ na ɪka sɪ sɔɔr fɔ yele kɔɔ ka fɔ maal kɔ sɪ.”

XXXVI Ka a Yesu sɔɔr ba, “Bāa lɛ yɪ bɔɔrɔ ɪka n maal kɔ yɪ?”

XXXVII Ka ba 'yer, “Vě ka a sɪ āsɔɔ jānɛ a fɔ nūsɔɔ loor, ka 'yen mi jānɛ a fɔ gɔba loor a fɔ nāalɔɔ pɔ.”

XXXVIII Ka a Yesu 'yer kɔ ba, “Yaa bɔɔ a bon yɪn sɔɔrɔ ɛ. Yɪn tɔɔ nyūn a dɔɔyɛ ɲmele 'lo ɪn wa nyūn, bu kpe a dɔɔyɛ 'lo pɔ ɪn wa kpe a Nāanmɪn kɔɔ sofo kaar ɔ?”

XXXIX Ka a ba 'yer, “Jɔ.” Ka a Yesu 'yer, “Yɪn nyūn a ɲmele 'lo ɪn na nyūn, na yɪ so a kɔɔ 'lo ɪn na so,

XL tiche a n nūsɔɔ loor nɪ a n gɔba loor 'lo n ba tara sɔr ɪka n kɔ yɪ ɛ. Nāanmɪn tɛɛ lɛ tara sɔr ɪka wɔ de a jiir anyāna kɔ a bala won chɔɔr.”

XLI A poturbo pie bala na che na wa wõ a yele, ba nyen suur 'yõõ a Jemesi ni a Joon.

XLII Ka a Yesu buol ba jaa 'mataa ti na wõ 'yer ku ba, "Yi bõõn naa a bala na i a nãmune a bala na ba i a Juu nibe ε, ma fire naa a nibe, ka a niberε ma wile a ba kpãen.

XLIII A ba i le le a yi sã ε. Nire 'lo jaa na buoro ika wõ i a yi nikpẽε, wõ i a yi jaa tõtõnõ,

XLIV ka a 'lo mi na buoro ika wõ i a ndiere, wõ i a yi jaa gbãgbaa.

XLV A Nisaal Bie mi gba ba wa, ika ba wa tõnõ kuro wõ ε, tiche wõ wa naa ika wõ wa tõ ko ba, na wõ de a wõ nyevor lie faan niyoo."

XLVI Ba pãa wa naa a Jeriko. Ban wa kpe a Jeriko ti yire, niyoo turo naa Yesu ni a wõ poturbo, ka a jõõ kõõ ban buolo Batimayus, Timeyus bidaba, jãne a sor kōkoor sooro bomo.

XLVII Wõn wa wõ ka a Yesu na yi a Najaretu le, ka wõ piel gboolo, "Yesu, David Bie, kaa n nibaal!"

XLVIII Ka a nibe bamune ika wõ poõ a neε, tiche ka wõ pãa chene mal gboolo, "David Bie, kaa n nibaal!"

XLIX Be le a Yesu tee ara ti 'yer, "Yi buol wõ." Ka ba buol a jõõ 'yer wõ, "'Maa nyãa! Ir ara, wõ buolo fo naa."

L Ka wõ vaa ir lob a fõbaa bar ti wa a Yesu sã.

LI Ka a Yesu soor wõ, "Bãa fo buoro ika n maal ku fo?" Ka wõ 'yer, "Wiwile, n buoro naa ika n nyere."

LII Ka a Yesu 'yer, "Chiine! Fo sa naa, fun soõ ma jũu." Ajienaa, wõ nyere naa, na wõ turo a Yesu ka ba de a sor.

XI

I A le ban wa gburo a Jerusalem, ba ta naa a tēn ayi, Betefagi ni Betani na be a Olive tōo par, ka Yesu tō wō poturbo ayi.

II Wō 'yer kō ba, “Yi chen a tēbile 'lo na be a yi niem, Yin wa kpere a tēe pō, yin nyen bōbile nire jaa na ba do wō sere ε, ban lū. Yi for waan.

III Ka nire wa suor yi ũka bāa le yi ure a le, yi 'yer wō ũka, a yi Soro le buoro wō, ti won Lieb waan fōo.”

IV Ba chen ti nye a bōbile ban lū a yōo dōdōr nēε. Ban wa foro,

V niε bamine na ara a be suor ba naa, “Bāa le yi foro a bōbile ure ni?”

VI Ka ba 'yer a le a Yesu na ũka ba 'yer, ka a niε bar ba.

VII Be le ba waan a bōbile wa kō a Yesu, na ba de a ba fōor 'yier dōol a bōbile ju, ka wō do jānε.

VIII Niyoō na buoro ũka ba 'yōō a Yesu jūu, ba den fōor 'yier a sōr pō, ka bamine mi kar vai a por pō wa 'yier a sōr pō.

IX Ka a bala na be a niem ni a bala na be a puor, pāa chule gōnō 'yere, “Yāan yooo! Nāanmin wō sōo a 'lo won tō! *(Yiel Gān 118:25, 26)*

X Nāanmin wō sōo a si sāa David nāalōo na waara! Yāan yooo! Si dān Nāanmin yoō jaa!”

XI Yesu na wa ta a Jerusalem, wō chen ti kpe a Nāanmin Puorfō Yir kaa a bomo a jaa. A wer na suorō jūu, 'lo ni a wō poturbo pie ni ayi yin chen a Betani.

XII A wer na wa chaar ka a Yesu ni a wō poturbo Lieb yi a Betani waara a Jerusalem, kō kpe naa a Yesu.

XIII Be le wɔ nye a kɔ̃kɔ̃ tɛ na tɔ vaar ara a niem, ka wɔ chen ɪka wɔ tɪ kaa wɔ̃mɔ̃ ben be bu. Wɔ chen tɪ ta ka a ɪ wɔ̃mɔ̃ ba be be ε, vaar tɛε le, bojũu a ba ɪ a wɔ̃mɔ̃ sɔ̃ le ε.

XIV Ka a Yesu 'yer kɔ a tɛ, “Nɪrɛ jaa kɔ le wa pɔr a fɔ wɔ̃mɔ̃ di ε.” A wɔ poturbo wɔ̃ naa a le won 'yer.

XV Ban wa ta a Jerusalem, Yesu chen tɪ kpe a Nãanmɪn Puorfo Yir bechaar pɔ dire a nɪbe bala na chiin a bonst tɪ daara nɪ a bala na daara. Wɔ daa naa libitɛerbɛ tɛbɔlstɪ lɛb kpa, tɪ da a bala mɪ na daara a papastɪ dakɔɔr lɔb.

XVI Waa sɔɔ ka a nɪrɛ jaa tuo bon jaa tun a bechaar 'lɔ pɔ ε.

XVII Be le ka wɔ pãa wile ba na wɔ 'yer, “A Nãanmɪn 'yer naa a wɔ gãn pɔ, ‘N yir ɪ naa a yir a nɪbɔrɔ ba jaa na wa puor ma,’ *(Isaiya 56:7)* tɪche ka a yɪn 'lɔ maal wɔ a nɪfarba jie.” *(Jeremiya 7:11)*

XVIII Ka a Juu nɪbe bɔɔrlo nɪberɛ nɪ a Mosesɪ Nɛɛ wiwiilbe nɪ wa wɔ̃ a nɪtɔ̃ bɔɔrɔ sɔr 'lɔ ban tu kɔ wɔ, tɪ na ba joro wɔ dãbãε bojũu a nɪyɔɔ nɛɛr 'maa ba naa a wɔ wiilfo pɔ.

XIX A jãanɔɔr na wa ta, Yesu nɪ a wɔ poturo lɛb chen a Betanɪ.

XX A wer na wa chaar bibio ka ba lɛb chiine a Jerusalem, ba nye naa ka ɪ a kɔ̃kɔ̃tɛ na kpi lɔɔn a nyɪbe.

XXI Be le ka a Pita tɪɛr a le a Yesu na 'yer kɔ a tɛ, na wɔ 'yer kɔ wɔ, “Wiwile, nye a tɛ 'lɔ fon pɔ 'yɔ̃! Wɔ kpi naa!”

XXII Ka a Yesu 'yer kɔ ba, “Yɪ sɔɔ de Nãanmɪn.

XXIII Sure le n 'yere koro yi, ala i yi asoo soo naa de Nāanmin na waa baala a wu tier po e, 'lo gba na too 'yer ku a too nyāna, 'Ir ti lo a man po,' a Nāanmin na soo naa ka a le i.

XXIV Ala le n 'yere koro yi, fōo puor Nāanmin soor bon jaa ti soo ika, won in ko fo, won i naa.

XXV Fōo wa ika fo puor, ti tara nire ni 'yer, vē ku a ninyine. A fo Sāa na be a saaju mi na vē naa a fo yelbier ko fo." 4

XXVII Ba le wa naa a Jerusalem go, ka a Yesu ti kpe yoro a Nāanmin Puorfo Yir bechaar po. A Juu nibe boorlo nibe ni a Mosesi Nee wiwiilbe ni a nibe wa naa a wo se.

XXVIII Ba wa soor wo naa, "An le ko fo a sor ka fo tōnō ni a anyā? Fo tara naa a sor ika fo tōnō ni a anyā o?"

XXIX Ka a Yesu 'yer ko ba, "N soor yi soorfo bō'yen. Yin wa too wiil ma a par, n mi na wiil yi naa a nire 'lo na ko ma a sor ka n tōnō ni a anyā.

XXX Joon na dōo suoro a nibe a Nāanmin kōo, Nāanmin le ko wo a sor bi, nibe le ko wo a sor? Yi 'yer n kaa!"

XXXI A ba lieb chire taa, "Sin be 'yer ika Nāanmin le tō wo, won soor si naa, ka bo le so ka saa soo wo e?"

XXXII Tiche sin mi 'yer ika nire le tō wo, a ba i e." Ba joro naa a nibe dābāe, bojūu nire jaa soo naa ika a Joon in Nāanmin 'ye'yere.

4 **XI:XXV 11:25** A gāma amine po, baa 'yōo a pōfo ljer ni ayoo e ika, 26 Ala i fōo ba wa vē ko a fo to soo e, a fo Sāa mi na be a saaju mi kō vē a fo maal deer ko fo e.

XXXIII Le le ba 'yer ku a Yesu, "Saa bõo ε." Ka a Yesu mi 'yer ku ba, "N mi kõ 'yer ku yi a nire 'lo na ku ma a sor ka n tönõ ni a anyãna ε."

XII

I Ka a Yesu le piel 'yere kuro ba ni sokpa. Wo 'yer naa, "Daba le ku wo puo na wo bor tiwõnsi. Wo woo naa a puo wo jaa jilõ, na wo tuu boo ka ban ma por a wõmõ 'yõo na ba neɲmer ir a kõo. Wo men jie ãsoo na do ka nire na ma do jẽ a be kaara a puo. Wo de naa a puo na wo ku nibe ɪka ba kaara ti na wo yo chen paal yuo po.

II A wõfo sõo wa ta naa ka wo tã a wo gbãgbaa ãsoo ɪka wo chen a nibe bala sã ti de a wõmõ amine.

III Tiche ka ba nyoo wo nɲme bar ka wo kul nũjaal.

IV Be le wo le tã a gbãgbaa ãsoo ka ba le nɲme wo a ju puo ti 'yõo wo vĩ.

V Wo le tön ãsoo ka ba ku a 'lo. Ka wo le bõo tõ bamine, ka ba pob bamine ti ku a bamine.

VI "Wo chen nibõ'yen won na tõ, 'lo le a wo bibõ'yen won nõ. 'Lo le wo wa tã a baaraa jaa na wo 'yer, 'Ban 'yõo naa a n bie.'

VII "Tiche a pokaarba na wa nye a bie, ba 'yer ku taa, 'A nyã le ɪ a bõdire! Yi ɪ a si ku wo, ti che ka a bonsi ɪ a si sofõ.'

VIII Be le ba nyoo wo ku lob bar a puo kōkoor.

IX "Nɲmine le yi tier ɪka a puo soo na ɪ naa? Won wan wa ku a pokaarba banyãna ba jaa ti de a puo ku nyor!

X Yaa kar a jie nyã a Nãanmın gãn pɔ ε? Wɔ 'yer ɩka, 'A kɔsɩr 'lo a mɩmɩerɔɔ na tɔr bar le ɩ a kɔsɩr ju.

XI A sɩ Soro le tɔ̃ a nɩtɔ̃ ka sɔb sɩ a nɩbie.' " *(Yiel Gãn 118:22, 23)*

XII Be le a Juu nɩɔɔɔ bɔɔɔ sɔr ɩka ba nyɔɔ a Yesu, bojũu ba bɔɔ naa ɩka bala le wɔ lɔb a sɔkpa gbɛb. Tɩche ba joro naa a nɩyɔɔ bala dãbãɛ, na ba bar wɔ tɩ lɩɛb chen.

XIII Ba le tɔ̃ naa a Faraseemɩne bamɩne nɩ nɩɛ bamɩne na yi a nãa Herɔd sɛ̃, ka ba wa ɔɔr Yesu nɛɛ nyɔɔ wɔ, a wɔ 'yerɔɔ pɔ.

XIV Ba wa na wa 'yer kɔ wɔ, "Wiwile, sɩ bɔɔ naa ɩka fɔ in yelmãɛ sɔɔ. Nɩɛ 'yerɔɔ maa tɔɔ a fɔ pɔtɩer lɩɛb ε, bojũu fɔ maa cheɛ a le nɩɛ jaa na be ε. Tɩche fɔ wile na a Nãanmın sɔr nɩ yelmãɛ. A tara naa sɔr ɩka sɩ yab a lɔpɔ kɔ a nãkpɛɛ Siisa bɩ?"

XV Sɩ yab bɩ sɩ ta yab ε?" Tɩche ka a Yesu bɔɔn a ba nɛɔɔr yeɛ ban waan, na wɔ sɔɔr ba, "Bo le yɩ bɔɔɔ ɩka yɩ ɔɔɔr ma kaa? Yɩ de a libir ãsɔɔ waan ka n kaa."

XVI Be le ba de a libir kur ãsɔɔ waan, ka wɔ sɔɔr ba, "An foto nɩ a yuor le be a libir pɔ?" Ka ba 'yer, "Siisa le."

XVII Le le ka Yesu 'yer kɔ ba, "Yɩ de a 'lo na ɩ a Siisa sofɔ na yɩ yab wɔ, na yɩ mɩ de a 'lo na ɩ a Nãanmın sofɔ na yɩ mɩ kɔ a Nãanmın." Ka ba faa tɩ nyɔɔɔr a nɛɔɔr ara nɩ.

XVIII A nɩɛ bamɩne ban bɔɔɔɔ a Saduseemɩne na 'yer ɩka kũu pɔ ɩrfɔ ba be be ε, mɩ wa naa wa sɔɔr wɔ,

XIX "Wiwile, Mosesɩ seb kɔ sɩ ɩka nɩɛ yeɛɔ wa kpi tɩ bar pɔɔ na ba tara bie ε, a wɔ yeɛɔ wɔ kul

a pookoor 'lo na wo doo bibiir ko a wo yebe 'lo na kpi.

XX Yeer ayopöi le dōo be be, ka ba kpēε kul pōo kpi ti che bar, waa tara bie ε.

XXI Ka a wo turo de a pookoor kul, baa mi dōo bie ε, tiche ka wo mi kpi. A le ne ni wo ju mi le a turo ata sōo.

XXII Yelmāε jaa a yeer ayopöi banyāna ba jaa kulnaa a pōo 'lōnō, ti waa dōo bie ε, a baaraa jaa ka a pōo mi kpi.

XXIII Bala wa ir yi a kūu pō, an pōo le won ι, an ι ba jaa kul won lōor taa?"

XXIV Ka a Yesu 'yer, "Yaa nye yin bor, bojūu yaa bōo a Nāanmin sebe ni a wo kpēo ε.

XXV Nibe wa ir a kūu pō ba kō le kul taa ε, ti ban kaara naa fika a malakası, baa kulo taa ε.

XXVI A kūu pō irfō yeke yi kar a Mosesı gān pō a sōo 'lo won nye a tibile na 'lre būu, ka a Nāanmin 'yer ko wo, 'N ι naa a Abraham Nāanmin ni a Isaaki Nāanmin ni a Jakob Nāanmin.'

(A Yifō Gān 3:6)

XXVII Wo ι naa vor Nāanmin, waa ι kün Nāanmin ε. Yi tul naa."

XXVIII A Mosesı Neε wile āsōo wa ara na chel a le a Yesu ni a nibe na 'mataa 'yerε. Ka wo nye ka a Yesu 'yer nōmō. Ka wo mi sōor a Yesu, "A Nāanmin neer a jaa pō, buor sōo le ι kpēε?"

XXIX Ka Yesu 'yer ko wo, "A 'lo na ι kpēε gar a jaa ni nyā, 'A Isiral nibe, yi chele! A sı Soro Nāanmin, wo ι naa Soro bō'yen tεε.

XXX Nō a fō Soro Nāanmin ni a fō nyāa, ni a fō nyevor wo jaa, ni a fō tier wo jaa, ni a fō kpēo wo jaa.'

(Mosesı Gāma Na Tu Anūu 6:4, 5)

XXXI A 'lo na tu ni nyã, 'Nõ a fu to soɔ nitãa le fon nõ a fu mãε.' (Mosesi Gãma Na Tu Ata 19:18) Nεε jaa ba be be ι kpe gar a anyã ε."

XXXII Ka a daba 'yer, "Wiwile, fu 'yer yelmãε, a le fon 'yer ιka Nãanmɪn bõ'yen tεε le be be, ka ãsoɔ jaa ba le be be psoɔ wo ε.

XXXIII A fu nõ wo ni a fu nyãa, ni a fu tier wo jaa, ni a fu kpεɔ wo jaa, na fu le nõ a fu to soɔ nitãa a fu mãε, a yele anyãna tufu ιn gar dõn fon kɔ chom kɔ Nãanmɪn ni boɔrlorsɪ a jaa."

XXXIV Yesu na nye a le a daba na 'yer ni yẽ ka wo 'yer kɔ wo, "Faa jãa ni a Nãanmɪn nãalõɔ ε." An yi a be chiine nɪre jaa ba le 'la soɔr wo soɔrfu go ε.

XXXV A le a Yesu na wile a Puorfɔ Yir bechaar pɔ, wo soɔr naa a nibe, "Nɪmɪne le a ta ka a Mosesi Nεε wiwiilbe 'yer ιka David bie le a Ni-iraa?

XXXVI A ba ι a David mãε pɔ le a Nãanmɪn Siε, ka wo 'yer ιka, 'A n Soro Nãanmɪn 'yer kɔ a n Soro nyã won ir, "Jãne a n nũsõɔ loor ka n wa de a fu dõdẽme bin a fu gbεε p̄ilem." ' (Yiel Gãn 110:1)

XXXVII Ala ι David mãε boɔl wo naa a wo Soro, ηmɪne le won le ι a wo bie tεε?" Ka a nɪyoɔ bala ara chele wo ni pɔpel.

XXXVIII Yesu wile naa ti na wo kpãa ba, "Yi gu yi mãε a Mosesi Nεε wiwiilbe s̄ε, ba ma su naa a fuu veεsi ala yooɔo ιka ba puor ba a dar pɔ.

XXXIX Bala be wa kpe a lõɔfo jie, a niem le ba ma jãne.

XL Ba mi ma folo naa a pookoe, na ba mi ma puor Nāanmūn kor, buoro ũka nibe ba kaara ba. A nibe banyāna 'yer toorfō na kpēme naa."

XLI Yesu jēn gbūr a jie ban 'yōonō a libie a Nāanmūn Puorfō Yir pō, na wa kaara a le a niyoo na 'yōonō a ba libie. Taraa dēme yoo jaa looro naa yoo.

XLII Be le ka a pookonōo soo mi be be na wō mi waan libikue ayi na ũ kobo wa 'yōo a libie pō.

XLIII Ka Yesu buol a wō poturbo ka ba too gbūr wō ka wō 'yer kō ba, "Yelmāe le n 'yere koro yi, a pookonōo soo nyā lob gar ba jaa.

XLIV A tara dēme ma 'yōon ti che a libiyoo amine, tiche a pookonōo soo nyā 'lo, a jaa le wō de 'yōo. Waa le tara bon jaa go ε."

XIII

I Yesu na wa yire a Nāanmūn Puorfō Yir pō, a wō poturo āsoo 'yer kō wō, "Wiwile, nye a kusibe ban men a yir kpēe nyā ka wō kaara ka!"

II Ka a Yesu 'yer soo wō, "Mi fō nye naa a le ban me a yir kpēe nyāna? A kusiviel anyāna 'yen jaa kō le wa chene dool wō to ju ε. Ban dān a jaa lob."

III Yesu na wa jāne a Olive Tur Tōo ju, a Nāanmūn Puorfō Yir nidaa, Pita nū Jemesi nū Joon nū Andiru suor wō naa a ba tee,

IV "'Yer kō si a daar 'lo a anyā na ũ. Bo le na ũ jāne sere ti che ka a wa ũ?"

V Ka a Yesu 'yer kō ba, "Yi bōon ka nire jaa ta wa bel yi ε!"

VI Niyoo na de naa maa yuor waan wa 'yere, 'Maa le a Yesu,' na ba wa bele niyoo.

VII Yın wa wõn tam, ka ba 'yere a tam 'yer, yı taa mıre ε. A le na ı naa, tıche a wer baarfõ chene na be puor.

VIII Nıbor dēdēme na yın tam, ka a nāmıne mı yi tam. Ka a tēgān dōonõ jıir yoo, ka kō mı lo. A dooye anyāna le ı a pielfõ.

IX “Yı bõon, ıka ban ma nyoor yın chiin a 'yer toorfõ jie, na ba le pob yı, a lõofõ jıir. A maa yın soo jıu, ban tara yın chiin a tēe nıbere nı a nāmıne jie, ıka ba tı toor a yı 'yer, tı yın tu naa a be 'yer a Nāanmın 'yer nõo kũ ba.

X A 'yer nõo nyā na den nie ta a nıborõ ba jaa.

XI Bala wa nyoor yı chiin a 'yer toorfõ jie, yı ta vē ka tıer nyoo yı a le yın tı 'yer ε. Le jaa a Nāanmın na wiil yı a 'yer toorfõ soo, 'yer wõ. A ba ı yın le 'yer ε, tıche a 'yerbie yi naa a Nāanmın Sıe sē.

XII “Yebe na gar 'yõo yebe, ka ba kũ wõ, ka a sāa mı gar 'yõo bie, ka ba kũ wõ. Bibiir kō le wõnõ a ba sāmıne toor ε, na ba vē ka ba kũ a ba sāmıne.

XIII Nıre jaa na 'laar yı naa, yın soo ma jıu, tı 'lo na soo tı ta a baaraa, na nyen Nāanmın faafõ.

XIV “Yın nye naa a yelee 'lo a Nāanmın na 'laar (*Daniel 9:2*) na be a jie 'lo an ba see ε, na wõ soo a jie, na wõ vē ka a wõ suur dire. A fõo nyā na kara bõo a par. Yın wa nye a le, nıbe na be a Judiya ba jo do a tõo ju.

XV Nıre jaa na be gar ju, ta suu a die põ tı de bon jaa ε.

XVI 'Lo mı na be a puo põ, ta le chen tı de a wõ fõbaa ε.

XVII A bɔbir nyāna an un tuo kɔ a pɔɔpɔɔr nɪ a bala na tara a bi'yensi.

XVIII Yɪ sɔɔrɔ Nāanɪmɪn ka a ta wa ɪ uon ε.

XIX A ber ala pɔ, nɪbe na din dɔɔye yɔɔ. Nāanɪmɪn na maal a wer baa di a dɔɔye nyā bɔrɔ ε, tɪ ba mɪ kɔ̃ lɛ wa di wɔ go ε.

XX Ala ɪ a Nāanɪmɪn ba ηmaa a ber ala bar ε, nɪre jaa kɔ̃ che ε. Tɪche a bala won chel ir jūu, wɔ ηmaan bar.

XXI A sɔɔ 'lɔ̃nɔ̃, nɪre wa 'yer kɔ yɪ ɪka yɪ nyɛ a Nɪ-iraa a ka, bu kasen lɛ wɔ be, yɪ taa sɔɔrɔ ε.

XXII Bojūu a jire Nɪ-iraa nɪ a jire 'ye'yɛrbe na wa na wa tɔ̃nɔ̃ a lɛ a nɪbe na ba dɔɔ nyɛ ε, na ba maala yelberɛ fɪka Nāanɪmɪn lɛ kɔ ba a kpɛɔ. Na ba bɔrɔ ɪka ba bel a bala a Nāanɪmɪn na chel ir, ala ɪ ban tɔɔ naa.

XXIII Yɪ bɔɔn! N den nie 'yer kɔ yɪ.

XXIV “Tɪche a dɔɔye nyā baarfɔ sɔɔ, ‘Mɔ̃tɔ̃ na lii naa, ka a ηmeraa kɔ̃ mɪ lɛ chaar ε,

XXV Ka a ηmerbie pɔrɔ yire a saaju loro, tɪ a saaju wɔ jaa dɔɔnɔ̃.’ *(Isaiya 13:10)*

XXVI “A sɔɔ 'lɔ̃nɔ̃, ban nyɛn a Nɪsaal Bie na waara a julɔ̃juur pɔ, nɪ kpɛɔ nɪ tuɪ.

XXVII Won tɔ̃ naa a wɔ malakasɪ, ka ba wa lɔɔ taa a bala won chel ir a wer wɔ jaa, tɪ yin a mɔ̃tɔ̃ purfɔ jie tɪ tɔ a mɔ̃rfɔ jie.

XXVIII “Yɪ de a pɔlpɔl tɪɛ yele jān yɛ̃. 'Lo wa tɔɔrɔ a vaar yɪ bɔɔn ɪka a tɔl sɔɔ gbɔr naa.

XXIX A lɛ mɪ nɪ wɔ ju lɛ, yɪn wa nyɛ a lɛ n 'yer kɔ yɪ na ɪre, yɪ bɔɔn ɪka a sɔɔ gbɔr naa jaa yɛ̃yɛ̃.

XXX N 'yɛrɛ naa yelmāɛ kɔrɔ yɪ, ɪka a pɔ̃pānyā nɪbe kɔ̃ kpi baar ε, tɪ yɪ nyɛ a yele anyāna ka a ɪ.

XXXI A saaju ni a wer na wa baar naa tiche ma a 'yerbie dõo kõ wa baar ε.

XXXII “Nire jaa ba bõo a bɔbir nyã ε, bu a sõo ε, a malakasi gba na be a saaju ba bõo ε, a Bie mi ba bõo ε, a Sãa tee le bõo.

XXXIII Yɪ gu yɪ mãε vɪla! Yɪ kaar sõ! Yaa bõo a sõo ε.

XXXIV An kaar naa fika yir sɔo na wa yɔoɔo tɪ de a wɔ yir 'yõo a wɔ tõtõnbɔ nuur pɔ, na wɔ kɔ ãsɔo jaa ni wɔ tòmõ, tɪ mi 'yer kɔ a dõdɔr guro ka wɔ kaara.

XXXV A le jũu yɪ kaara tɪ guro wɔ, bojũu yaa bõo a sõo 'lo a yir sɔo na na lieb wa ε. Amine kõo a wa ɪ jãanɔoɔ, bu tãsoo bãɪn, bu nɔrsɪ na kõnõ, bu bibio pipi.

XXXVI Yɪ ta wa vẽ ka wɔ wa dũu yɪ a yɪ be gõo pɔ ε.

XXXVII A le n 'yer kɔ yɪ, nire jaa le n 'yer kɔ yɪ kaar sõ!”

XIV

I A chen ber ayi ka ban di a Gõl Bar Difɔ ni a Paanõkõo Lõofɔ, ka a Juu nibe bɔoɔlo nibeɛ ni a Mosesɪ Nεε wiwiilbe bɔoɔo vuo 'lo ban na tu sɔol nyoo a Yesu kɔ.

II Tiche ka ba 'yer, “A ta ɪ a lõofɔ sõo ε, ka a jεεr taa ir a chara pɔ ε.”

III Yesu na wa be a Betanɪ a Simon 'lo na dõo ɪ a kõkɔn yir, ka ba 'mataa dire, pɔo kõo wa waan na pãrtɔvɪla ni kãnyũu kõo dafɔ na ba wõnõ ε. A pɔo kpɪr naa a pãrtɔo nyie tɪ kpaar a kãnyũu ala dɔol a Yesu ju.

IV Ka a nibe bala na be be nyε suur tɪ 'yerε kɔo taa, “Bo le so ka wɔ sõo a kãnyũu nyã bar a nitõ?”

V Wɔn taa den da nɔbɔ'yen yuon gbul s̄ayar libie na wɔ de kɔ nɔn d̄eme." Tɪ mii 'yɔɔ a pɔɔ.

VI Ka a Yesu 'yer kɔ ba, "Yɪ bar wɔ! B̄aa 'yɔɔ le yɪ mii 'yɔɔ wɔ? Wɔ maal vɪa kɔ ma.

VII A nɔn d̄eme 'lɔ, yɪn nɪ bala ben ka. Yɪn t̄ɔɔ s̄ɔɔ ba s̄ɔɔ 'lɔ jaa yɪn b̄ɔɔɔ, tɪche maa k̄ɔ be a yɪ s̄e s̄ɔɔ jaa ε.

VIII Wɔ ɪ naa a le won t̄ɔɔ. Wɔ kpaar a k̄anyũu 'yɔɔ ma tɪ che ka n ba kpi sere ε, na wɔ chɔɔr ma guro nɪ a n ũufɔ.

IX Yelm̄e le n 'yere kɔɔ yɪ, jie jaa ban wa 'yer a 'yer n̄ɔ nȳana a wɛr wɔ jaa pɔ, ban 'yer naa a le a pɔɔ nȳa na ɪ na ba chene tara a wɔ tɪer."

X A Pie nɪ Ayi bala won kaa ir āsɔɔ ban b̄ɔɔɔ a Judas Isikariyot chen a Juu nɔbe b̄ɔɔɔ nɔbere s̄e tɪ 'yer ba ɪka wɔ b̄ɔɔɔ na ɪka wɔ de a Yesu 'yɔɔ a ba nuur pɔ.

XI Ban wa w̄ɔ a le won 'yer ka a n̄m̄ɔ ba, ka ba 'yer ɪka ban kɔ won libie. Ka a Judas p̄aa b̄ɔɔɔ vuo 'lɔ won na tu de a Yesu kɔ ba.

XII A bɪbir d̄ɔɔ 'lɔn̄ɔ ɪ naa a Paan̄k̄ɔ L̄ɔɔfɔ, ka ban na kɔ a pele na ba di a Ḡɔl Bar Difɔ, Yesu poturbo s̄ɔɔr wɔ naa, "Nyɪne le fɔ b̄ɔɔɔ ɪka sɪ chen tɪ chɔɔr a Ḡɔl Bar nȳa b̄ɔɔɔ a fɔ tɪ di?"

XIII Wɔ t̄ɔɔ naa a wɔ poturbo ayi, na wɔ 'yer kɔ ba, "Yɪ chen a t̄ee pɔ, daba na tuo k̄ɔɔ nɪ d̄ɔɔ na tuor yɪ naa. Yɪ turo wɔ.

XIV A yir 'lɔ pɔ won wa tɪ kpe, yɪ s̄ɔɔr a yir s̄ɔɔ, 'A Wiwile ɪka sɪ wa s̄ɔɔr fɔ, "Nyɪne le a 'lɔ nɪ a wɔ poturbo na wa 'mataa di a Ḡɔl Bar Difɔ?" '

XV Wɔn wiil yɪ naa b̄ɔɔɔɔ ban chɔɔr. Yɪ maal a b̄ɔɔɔɔ a be."

XVI Ba yin chen a tēe ti nye a le jaa a Yesu na 'yer kɔ ba. Ka ba maal a Gōl Bar bōdiir.

XVII Jāanɔɔr na wa ta, Yesu ni a wɔ poturbo Pie ni Ayi wa naa.

XVIII Ban wa dire, wɔ 'yer kɔ ba, “Yelmāe le n 'yere kɔɔ yi, a yi āsɔɔ na ti gar 'yōɔ ma; āsɔɔ sɔn 'mataa dire ni a labō'yen pɔ.”

XX Be le ka ba jaa pɔɔ sōɔ ka ba sɔɔ wa bō'yen 'yen, “Maa le ɔ?”

XX Ka a Yesu 'yer, “A yi Pie ni Ayi āsɔɔ le! A yi āsɔɔ sɔn 'mataa tūno a labō'yen pɔ le.

XXI A Nɔsaal Bie na kpi naa nɔtāa le ban seb a Nāanɔmɔn gān pɔ. Tɔche a nɔre 'lo na gar 'yōɔ a Nɔsaal Bie na dɔɔye gar nɔre jaa! Ka bala ta ba dɔɔ wɔ ε, ala sa.”

XXII Ban wa dire ka a Yesu de a paanōɔ puor Nāanɔmɔn yāan, ti ηmaa de kɔ a wɔ poturbo, na wɔ 'yer, “Yi de, a n āgān le.”

XXIII Wɔ le den a ηmele 'lo ban nyuro ni, na wɔ puor Nāanɔmɔn yāan ti le de kɔ ba, ka ba jaa nyū.

XXIV Be le a Yesu 'yer kɔ ba, “N jāi le a anyā na v̄e a Nāanɔmɔn netɔraa na tara kp̄eɔ, an chir naa, na a faa nɔyɔɔ.

XXV Yelmāe le n 'yere kɔɔ yi, n kō le nyū a dāa anyāna ε, wa ti tān a daar 'lo in na nyū a bōpaalaa a Nāanɔmɔn nāalōɔ pɔ.”

XXVI Ban wa yiel yiel dān Nāanɔmɔn, ba suun chen a Olive Tɔr Tōɔ ju.

XXVII Yesu 'yer kɔ ba, “Yi jaa na jon ti bar ma, nɔtāa le a Nāanɔmɔn na 'yer a wɔ gān pɔ, In ηme naa pechine kɔ ka a piir yēyēl. (*Jekariya 13:7*)

XXVIII Tiche maa wa ir a kũu pɔ, un de yin nie chen a Galilee.”

XXIX Ka a Pita che nyãa 'yer, “Ala ɪ gba, ba jaa soon bar fɔ ti maa 'lo kɔ̃ bar fɔ ε.”

XXX Yesu 'yer kɔ a Pita, “Yelmãe le n 'yere kɔrɔ fɔ, dɪna tãsoɔ, a nɔrdɔɔ kɔ̃ kɔ̃ gbɛɛ ayi sere ε, ti fɔ 'yer gbɛɛ ata ɪka faa bɔɔ ma ε.”

XXXI Tiche ka a Pita 'yer kpɛɔ jaa ɪka, “Maa ni fɔɔ na 'mantaa kpi gba, ti n kɔ̃ 'yer ɪka n ba bɔɔ fɔ ε.” Ka a bala mi na che 'yer a le ne.

XXXII Yesu ni a wɔ poturbo chen naa a jie 'lo ban buɔɔ Getisemani, ka wɔ 'yer kɔ ba, “Yi jãne a kana, ti ka n chen ti puor Nãanmin.”

XXXIII Be le wɔ tara Pita ni Jemest ni Joon 'mataa chiin ka a wɔ puɔ sɔɔ yɔɔ jaa, ka tier nyɔɔ wɔ yɔɔ.

XXXIV Ka wɔ 'yer kɔ ba, “N tier sɔɔ naa, ti nyetãan kũu. Yi jãne a kana gu ma ti na yi taa guro ε.”

XXXV Wɔ chen naa a niem bãlãa ti lo kpa tãe soɔrɔ Nãanmin ɪka ala ɪ a tara naa ɪfɔ kɔɔ, wɔ vɛ ka a sɔɔ nyãna po wɔ.

XXXVI Wɔ 'yer naa, “N Sãa, yele jaa ba gar a fɔ maalfɔ ε. De a dooye nmele nyãna bar a n sã, tiche a ta tu maa bɔfɔ ε, a tu a le fɔɔ na buɔrɔ.”

XXXVII Wɔ lieb chen a poturbo sã ti nye ka a ɪ ba gur naa. Ka wɔ 'yer kɔ a Simon Pita, “Simon, fɔ guro naa ɔ? A fɔ kɔ̃ le tɔɔ jã bãlãa gu ma ε?”

XXXVIII Yi jã gu chele, na yi soɔrɔ Nãanmin ka a beerkaa ta wa tɔɔ yi ε. A yi tier 'lo buɔrɔ naa tiche ka a yi ãgãma ba tɔɔr ε.”

XXXIX Wɔ le chen naa ti puor a Nãanmin a le ne ni wɔ ju.

XL Wō lɛb wa nɛ ba go ka a ɪ ba gur naa bojūu gōō kpe ba naa. Baa bōō ηmɪnɛ ban lɛ 'yɛr kɔ a Yesu ε.

XLI Wō lɛb wa a ba sɛ a gbɛɛ ata sōō wa sūr ba, “Yɪ chɛnɛ na gã guro na yɪ pɛnɛ ɔ? A sɛɛ naa! A sōō ta naa. Nyɛ, ba gar 'yōō a Nɪsaal Bie kɔ a yɛlbe-ɪrbe!”

XLII Yɪ vaa ɪr, ka sɪ chɛn a ba sɛ. Nyɛ, a n gagaraa na waara!”

XLIII Yesu na chɛnɛ 'yɛrɛ lɛ ka Judas na ɪ a wō poturo pie nɪ ayɪ āsɔɔ tɪ daasāa, nɪ nɪbɛ na tara sɔbɛrɛ nɪ dakɔrsɪ waara nɪ a Yesu nyɔɔfɔ jie. A Juu nɪbɛ bɔɔrlo nɪbɛrɛ nɪ a Mosesɪ Nɛɛ wiwiilbe nɪ a nɪbɛrɛ lɛ tō ba.

XLIV Judas dōō wiil a nɪbɛ mana ɪka, “A 'lɔ ɪn na tɪ puor mōor a kɔtɪr yɪ nyɔɔ a 'lɔ, na yɪ bōō tara wō chiin.”

XLV Ban wa ta, Judas pɔɔn chɛn a Yesu sɛ tɪ 'yɛr, “Wiwile!” Tɪ puor wō nɪ mōorfɔ.

XLVI Ka a bala wɔn chiin nyɔɔ a Yesu.

XLVII Be lɛ ka a bala āsɔɔ na ara gbɔr a Yesu vōō a wō sɔɔ chɛn a Juu nɪbɛ bɔɔrlo nāa gbāgbaa toor ηmaa.

XLVIII Ka a Yesu sūr ba, “A mō nɪbɛr lɛ n ɪ ka yɪ waan sɔbɛrɛ, nɪ dakɔrsɪ a n nyɔɔfɔ jie ɔ?”

XLIX Bɪbɪr jaa lɛ n ma dōō be a yɪ sɛ, na n wile yɪ a Puorfɔ Yir pɔ, tɪ yaa nyɔɔ ma ε. Tɪchɛ a ɪ naa a lɛ ɪka a tu a lɛ a Nāanɪmɪn gān na 'yɛr.”

L Be lɛ a Yesu poturbo ba jaa bar wō tɪ jɔ.

LI Pɔlbile kōō mɪ na vaar fɔbaa tɛɛ turo nɪ a Yesu, ba nyɔɔ wō naa.

LII Ka wō mɪr a fɔbaa 'yōō ba tɪ jon sal'mōor.

LIII Be le ba chiin a Yesu a Juu nibe boorlo nãa yir, ka a Juu nibe boorlo nibeere ba jaa ni a nibeere 'matãan a Mosesi Neɛ wiwilbe, na i a 'yer tɔɔrfɔ nibeere, wa lɔɔ taa.

LIV Pita mi turo naa a puor jaa na wo wa ti kpe a boorlo nãa yir bechaar pɔ, na wo 'mataa jãne ni a bala na kara a Puorfɔ Yir uoro bũu.

LV Ka a Juu nibe boorlo nibeere ni a 'yer tɔɔrfɔ nibeere na che boorɔ yeke kɔɔ na wiil ika Yesu seen kũu, ti baa nye ɛ.

LVI Niyɔɔ mi nman jirsti 'yɔɔ wo, tiche a ba 'yerie nma taa poe.

LVII Ka a bamune mi ir nmaa jire 'yer ika,

LVIII "A ba sɛ, wo 'yer naa ika, 'A Puorfɔ Yir nyãna a nire nũu na me, in nmer wo naa ti na n de ber ata men 'lo na ba i nire nũu bɔmieraɛ ɛ."

LIX Tiche a ba 'yer mi ba i bɔ'yen ɛ.

LX Be le ka a Juu nibe boorlo nãa ir ara ti suor a Yesu, "Faa 'yere 'yer soorɔ ba bi? Bo dãasiesi le anyãna ban dire doolo fɔ. A in yelmãe o?"

LXI Tiche ka a Yesu i jaa gbul, waa 'yer soɔ wo ɛ. Ka a boorlo nãa le suor wo go, "Fɔɔ le i a Nãanmin 'lo sin 'Yɔɔnɔ Bie na i a Ni-iraa o?"

LXII Ka a Yesu 'yer, "Maa le. Yin nye naa a Nisaal Bie na jãne a Tɔɔfɔ Soɔ nũsɔɔ loor. Yi mi na le nyen won waara a julɔjuur pɔ."

LXIII Ka a boorlo nãa tɔɔ a fuu chier ni suor, ti suor, "Bãa le sin le boorɔ nire ika wo le 'yer a wo 'yer go?"

LXIV Yin mãe wɔ naa a le won fere. Nmune le yi tier?" Ka ba jaa 'yer ika wo seen kũu.

LXV Be le a bamune piel chure nataar 'yõonõ wõ, ka a bamune mi põõ a wõ nubie ti ñme wõ, ti suor wõ, "Wiil si a nure 'lo na ñme fõ." Ka a bala mi na guro a Puorfõ Yir mi ñme ñme wõ.

LXVI Pita jãne naa a be a bechaar põ, ka a boõrlo nãa gbãgbapõobile ãsõõ wa wa.

LXVII Wõn wa nyẽ a Pita na uoro a bũu, wõ kaa wõ naa lëẽ ti 'yer, "Fõ mi dõõ turo a Yesu na yi a Najareti."

LXVIII Ka a Pita chur ti 'yer, "N ba bõõ a le fon 'yere par ε." Ti na wõ tõõ chen ti ara a dõdõr nẽẽ.

LXIX A põõbile na wa nyẽ a Pita a be, wõ le 'yer kũ a nubẽ na ara a be, "A nyã mi i naa a ba ãsõõ."

LXX Ka a Pita le chur go. A ba kor ε, ti a bala na ara gbõr a Pita mi 'yer, "Sire jaa le, fõ i naa a ba ãsõõ, bojũu Galilee le fõ mi yi."

LXXI Ka a Pita põrõ 'yõonõ a wõ mãẽ, ti põrõ kũrõ ba 'yere ika, "N ba bõõ a daba nyã 'yer yin 'yer ε."

LXXII Ajienaa le ka a nõraa mi tõõ kõ a gbẽẽ ayi sõõ. Ka a Pita pãa tierto a le a Yesu na dõõ 'yer kũ wõ, "Fõn chur ma naa gbẽẽ ata, ti ka a nõrdõõ kõ gbẽẽ ayi." Pita na wa tier bõõn a le, ka wõ kõ yõõ jaa.

XV

I A wer na wa chaar bibio, a Juu nubẽ boõrlo nubere ni a Mosesi Nẽẽ wiwiilbe ni a nubere ba jaa ni a 'yer tõorfõ nubere na che, lõõn guor taa lũ a Yesu tara wõ chiin ti kũ a nãa Pilate.

II Ka a Pilate suor wõ, "Fõõ le i a Juu nubẽ nãa o?" Ka a Yesu 'yer, "Õõ, a in a le fon 'yer."

III Ka a bɔɔrlo nɪberɛ sɔɔnɔ̃ a Yesu yuor.

IV Be ɛ a Pilate sɔɔr a Yesu, “Faa 'yɛrɛ 'yɛr jaa ɛ, nyɛ ɛ ban sɔɔnɔ̃ fɔ a yuor jã!”

V Tɪche Yesu ba haa nɛɛ ɛ, ka a 'maa a Pilate nɛɛ.

VI A mɪ ɪ naa a ba tɔ̃mɔ̃ ɛ ka bala wa lɔɔ taa dire a Gɔl Bar Difo, a ba nãa ma ir nɪrɛ 'lo a nɪbɛ na bɔɔrɔ a pɔɔfɔ die pɔ bar.

VII Barabasɪ mɪ dɔɔ pɔɔ a nɪbɛ bamɪnɛ pɔ, na dɔɔ ir jɛɛr nɪ a paal nɪkpɛɛ na ba kɔ nɪbɛ, ka ba nyɔɔr ba pɔɔ.

VIII Nɪyɔɔ wa naa a Pilate sɛ wa sɔɔr wɔ ɪka, wɔ ɪ kɔ ba a ɛ wɔn ma ɪ.

IX Ka a Pilate sɔɔr ba, “Yɪ bɔɔrɔ naa ɪka n ir a Juu nɪbɛ nãa kɔ yɪ bu?”

X Pilate bɔɔn naa ɪka a nyuur ban tara nɪ a Yesu ɛ vɛ ban nyɔɔ wɔ waan a wɔ sɛ.

XI Tɪche ka a bɔɔrlo nɪberɛ dɔ̃ a nɪbɛ toor ɪka, ba 'yɛr ɪka, wɔ yuo a Barabasɪ bar.

XII Ka a Pilate sɔɔr ba go, “Tɪ n ɪ ŋmɪnɛ nɪ a 'lo yɪn bɔɔlɔ a Juu nɪbɛ nãa?”

XIII Ka ba tãn, “Kpa wɔ a daa ju!”

XIV Be ɛ ka a Pilate sɔɔr ba, “Bãa wɔ ɪ? Bo tɔ̃dɛɛr ɛ wɔ tɔ̃?” Tɪche ka ba tãna kpɛɔ jaa, “Kpa wɔ a daa ju!”

XV Pilate na bɔɔrɔ ɪka wɔ pɛl a nɪbɛ pɔɔ jũu, wɔ yuo naa a Barabasɪ kɔ ba. Wɔ vɛ naa ka ba fɔb a Yesu yɔɔ jaa, tɪ de wɔ kɔ a sojasɪ ɪka, ba tɪ kpa wɔ a daa ju, ka wɔ kpi.

XVI Be ɛ a sojasɪ tara a Yesu kpɛn a nãa yir kpɛɛ 'lo pɔ, tɪ bɔɔl a ba taaba sojasɪ lɔɔ taa.

XVII Ba den fuu jɪɛ nãa fuu kaar su wɔ, na ba ɛ de gɔɔr vil nãa jupil kaar su wɔ.

XVIII Tɪ pãa piel laara wɔ, “Yãan yooo, Juu nibe nãa!”

XIX Tɪ ma de daa ŋmen wɔ a jũu tɪ churɛ nataar 'yõõnõ wɔ. Ba gbur dumo a wɔ niem puoro wɔ.

XX Ban wa la wɔ a nitõ wa baar, ba yaa naa a fuu 'lõnõ bar, tɪ de a wɔ mãe fuu su wɔ, na ba pãa de wɔ chiin ɪka ba tɪ kpa wɔ a daa ju.

XXI A sɔr pɔ, ba nyen Simon na yi Sirentɪ tãe pɔ, Aleksanda nɪ Worofɔs sãa lɛ. Mɔɔ pɔ lɛ wɔ yi tala, ka ba nyɔɔ wɔ fir ka wɔ de a Yesu daa tuo.

XXII Ba chiin naa a Yesu tɪ tãn a be ban bɔɔlɔ a Yesu nibe kɔkɔr pɔ, Gɔlgɔta. A par lɛ ɪka, Julaa Jie.

XXIII Ka ba pãa de tãt kõɔ 'yõɔ a dãa pɔ, ɪka wɔ nyũ, tɪ wɔ tɔr.

XXIV Be lɛ ba kpa wɔ a daa ju. Ba põ naa a wɔ fɔɔr na ba ŋme gbãm bõɔ a ala ãsɔɔ jaa na na de.

XXV Bibipɔl lɛ ba kpa wɔ.

XXVI Ba sɛb naa a yele 'lɔ jũu ban kɔn wɔ mar a daa jũu ɪka, “A JUU NIBE NÃA.”

XXVII Ba mɪ kpan nãnyisɪ ayi a dabãbãnsɪ mɪ ju, ka ãsɔɔ be a Yesu nũsõɔ loor ka a ãsɔɔ mɪ be a wɔ gɔba loor. ⁵

XXIX A bala na tala a be a wɔ kpafo jie tɔrɔ wɔ, vavire a ba jur 'yerɛ, “Wooo, a fõɔ nyã na 'yer ɪka fɔn sõɔ naa a Nãanmɪn Puorfɔ Yir nyã bar tɪ mɛ wɔ a ber ata,

XXX wa suu a daa ju, na fɔ faa a fɔ mãe!”

⁵ **XV:XXVII 15:27** A gãma amune pɔ, baa 'yõɔ a põfo lɪjɛr nɪ aniin ɛ ɪka, 28 A sɛb a Nãanmɪn gãn pɔ ɪka, “Ba sɔr wɔn 'yõɔ a tõdɛbe dẽme pɔ.” (Isaiya 53:12)

XXXI Le ni wɔ ju le, a Juu nɔbe boorlo nɔbere ni a Mosesi Nee wiwiilbe mi laara wɔ, na ba 'yere kuro taa, "Nyɛ, wɔ faan bamine, ti wɔ kɔ tɔɔ a wɔ mɛ faa e!"

XXXII Vɛ a 'lo na 'yer ɔka, 'lo le ɪ a Ni-iraa, na wɔ ɪ a Isral nɔbe nɛa, suu a daa ju a si kaa, ti na si pɛa sɔɔ." A bala mi ban kpa gbɔr wɔ, le le ba mi tɔ wɔ.

XXXIII A mɔtɔɔ na wa ara a gar ju sɛlsɔɔ, a wer wɔ jaa sob naa wa ti tɛn a mɔtɔɔ balfɔ sɔɔ.

XXXIV A sɔɔ 'lɔnɔ pɔ le, ka a Yesu chur boɔl, "Eloi, eloi, lama sabakatanɪ." A par le a Yesu nɔbe kɔkɔr pɔ ɔka, "N Nɛanmin, n Nɛanmin, bo le so ka fɔ lieb puor 'yɔɔ ma?"

XXXV A bala na ara gbɔr a be wɔ na ba 'yer, "Yɪ chele! Elaija le wɔ boɔlɔ."

XXXVI Ka a daba ɛsɔɔ jo chen ti 'mɔɔ sapɔ 'lor a dɛmiir amine pɔ, na wɔ chab daa tur a Yesu ɔka wɔ mɔɔr, ti na wɔ le 'yer, "Yɪ vɛ a si kaara, Elaija na wa yɔɔ wɔ naa bu."

XXXVII Be le a Yesu chur ti nmaa a vuɔr.

XXXVIII Ka a Juu Nɔbe Puorfɔ Yir pɔ, ban lɔ a fɔbaa var a die chur a saaju ti gbem a par.

XXXIX A sojasi nɔkpɛɛ na ara a be a Yesu niem na wɔ a wɔ churfɔ, ti nyɛ a le mi won nmaa a vuɔr, wɔ 'yer naa, "Yelmɛ jaa, a daba nyɛ ɪ naa a Nɛanmin Bie."

XL A pɔbɔ bamine lɔɔn Mɛɛr na yi Magdala tɛe pɔ, ni Salome, ni a Mɛɛr na ɪ a Jemesi bile, ni Josesi ma mi ara na tɛɛr jaa ti kaar wɔ.

XLI A Galilee pɔ, a pɔbɔ banyɛna le turo wɔ, na ba sɔnɔ wɔ. Ka a pɔbɔ bamine mi na 'matɛan wɔ wa a Jerusalem, mi be be.

XLII A daar 'lo ɪ naa a ba Choorfo Bɪbir ban na choor a ba mǎe, bojũu a mǔtǔo wa mur, a Pēnfɔ Bɪbir piel naa. A jāanoor na wa tara

XLIII a Josefɔ na yi a Arimatɪya tēe pɔ, na ɪ a nɪkpēe āsɔɔ ban 'yǔɔnǔ, tɪ mɪ dǔo chele a Nāanmɪn Nāalǔ, nyɔɔn nyāa chen a Pilate sē, tɪ suor a Yesu āgān ɪka wɔ ũu.

XLIV Pilate na wa wǔ ɪka a Yesu kpi naa, a 'maa won nēe. Be le wɔ buol a sojasɪ nɪkpēe ka wɔ wa, ka wɔ suor wɔ, "A Yesu kpin bu?"

XLV Ka a sojasɪ nɪkpēe 'yer, "Ɔo, wɔ kpi naa." Ka a Pilate sɔɔ ɪka a Josefɔ wɔ tɪ yɔɔ a Yesu āgān.

XLVI Josefɔ dān fɔbaa na wɔ tɪ yɔɔ a Yesu āgān vil wɔ chiin tɪ ũu, a yaa ban chi kɔsɪr pɔ. Ba bil kɔsɪr wa pɔɔ a yaa nēe.

XLVII A Mēer na yi a Magdala, nɪ a Mēer na ɪ a Josest ma, nyē naa a jie 'lo ban ũu wɔ.

XVI

I A Pēnfɔ Bɪbir na wa baar, Mēer na yi a Magdala, nɪ Salome, nɪ a Mēer na ɪ a Jemesɪ ma, ba dān a kānyũur ala ɪka ba chiin tɪ jē a Yesu āgān.

II A Pēnfɔ divɪe bio daar, bibio mǔtǔo na pur baar, ba chen naa a yaa par.

III A kɔsɪr na pɔɔ a yaa nēe ba gbɔr ε, ka ba sɔrɔ taa, "An le na tɪ bil a kɔsɪr bar sɪ a yaa nēe?"

IV Tɪche ban dɔɔ kaa a ba nidaa, a kɔsɪr 'lo bil yi a yaa nēe.

V Ban tɪ kpiere a yaa pɔ, ba nyen pɔlbile na su fuu pɪla jāne nɪ a nūsɔɔ loor, ka pɪla ɔɔ ba.

VI A pɔlbile 'yer kɔ ba, "Yɪ ta vē ka yɪ pɪla ɔɔrɔ ε. Yɪ buɔrɔ naa a Yesu 'lo na yi a Najaretɪ ban

kpa a daa ju. Wɔ ir naa ɪ vor! Waa be a ka ε! Yɪ nyɛ a jie 'lo ban gaal wɔ.

VII Yɪ lɛb kul tɪ 'yer a wɔ poturbo nɪ a Pita ɪka, wɔ de yɪn nie chiine a Galilee, be lɛ yɪn tɪ nyɛ wɔ, nɪt̃aa a lɛ wɔn d̃ɔɔ 'yer kɔ yɪ.”

VIII Chĩcham kpe ba naa ka ba nɛɛ 'maa, ka ba jo yi a yaa par. Baa 'yer 'yer kɔ nɪrɛ jaa ε, bojũ dābāɛ kpe ba naa.

IX A Pɛnfɔ divɪɛ bio daar bibio, Yesu na wa ir a kũu pɔ, wɔ den nie dũu a Mɛɛr na yi a Magdala, a 'lo pɔ wɔn d̃ɔɔ dii a sɪdɛbɛ ayopɔi bar ka a yi.

X A Mɛɛr chen tɪ 'yer kɔ a bala na d̃ɔɔ be a Yesu sɛ̃, a bala a nie na sob ka baa kɔnɔ̃.

XI Ban wa wɔ̃ ka wɔ 'yer ɪka a Yesu ir naa kũu pɔ ɪ vor, ka wɔ nyɛ wɔ, baa sɔɔ de ε.

XII A anyã puor lɛ, a Yesu lɛb nɪyuo na wɔ dũu a ba ayi na de sɔr chiine a tɛɛ āsɔɔ pɔ.

XIII Ba lɛb chen a Jerusalem tɪ 'yer kɔ a ba taaba, tɪchɛ baa sɔɔ ε.

XIV A ba kor ε, tɪ a Yesu lɛ dũu a Pie nɪ Bõ'yen na 'mataa dire. Wɔ miin 'yɔɔ ba a ba ba sɔɔfɔ pɔ, nɪ a ba nyãkpãɛn jũu, bojũu baa sɔɔ de a bala na nyɛ wɔn ir a kũu pɔ 'yer.

XV Wɔ 'yer kɔ ba, “Yɪ yɔ a wɛr wɔ jaa, na yɪ mɔɔl 'yer a 'yer ñɔɔ nyã kɔ a nɪburɔ ba jaa.

XVI Nɪrɛ 'lo jaa na sɔɔ de a 'yer ñɔɔ nyã, ka ba so wɔ a Nãanmɪn k̃ɔɔ, wɔn nyɛn a Nãanmɪn faafɔ, tɪchɛ nɪrɛ 'lo jaa na ba sɔɔ de a 'yer ñɔɔ nyã ε, a nɪnyɪnɛ na wɛ naa.

XVII A jãnsɪ anyã na turo naa bala na sɔɔ. Ban de naa n yuor diin sɪdɛbɛ ka a yi, na ba lɛ b̃ɔɔ 'yerbolsɪ 'yerfɔ.

XVIII Ban ma 'moõr waba. Bala wa nyũ bon na tara loo, tu a kũ i ba yelee ε. Baalaa ban dool a ba nũu, won sa naa.”

XIX A Soro Yesu na wa 'yer a ntõ̃ ko a wo poturbo, Nãanmũn vẽ̃ naa ka wo do a saaju tu jã̃ε a wo nũsõ̃ loor.

XX Be ε ka a poturbo yi chen tu mõolo a 'yer nõ̃o jie jaa. Be ε ka a Soro 'mataa tõ̃nõ̃ nũ ba, ka a wo ne'maa tõ̃mõ̃ anyã̃ ban tõ̃nõ̃ wiil ika a wo 'yer nõ̃o in yelmã̃ε.

**A Nãanmun Nɛtur Oaalaa Gãn, Burfoor
Birifor, Southern: A Nãanmun Nɛtur Oaalaa Gãn,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

97b1f1fe-19fd-52d9-9481-ad2a6ade2772